

中華民國八年六月中旬編輯

蓋平縣鄉土志

中華民國九年五月杪印刷

北洋法政專門別科畢業前清附貢庠成法官
代理吉省地檢廳檢察官署理賓縣初審廳推事
前清優附生考職一等分省試用巡檢現充勸學所勸學員郭春藻 編輯

蓋平縣學務委員 員

劉寶珩 許德明 李光九 李鑑塘 苗沛興 孫紹陽

前清光緒科舉人省立第三師範國教習王郁雲 校正

前清恩貢候選州判教養工廠廠長戰興邦

序

已未之春余捧檄權斯邑下車伊始即求諸邑得縣志則聲名文物風土人情可以盡述也署中各科無此書訪之各學校無此書更覓之縉紳之家亦無此書僅由王君者貴送閱一本殘篇斷簡抄寫錯漏殊不足以資參考不禁喟然而歎夫縣之有志猶家之有譜也不獨為知縣事者之應知紳商農工軍警各界亦應知而學界中尤為必不可不知也學校無不有歷史一科而本籍之歷史不知焉無不有地理一科而本境之地理不知焉無不有修身一科而本籍之昔賢無所知無所知則於修身莫知所景仰而崇尚焉况 巡閱使有徵取

之令營口縣有借證之咨是縣志之編輯實為亟不可緩適有族
兄幼樵之門人馮慶瀾拔萃來署相見極力邀為編輯詎以黑龍
江孫督軍函邀入幕不克共襄是舉隨經推荐郭君春藻眾議院
議員孫君孝宗又推荐崔君正峰堪任編輯之事當倩勸學所長
蔡向陽籌備處所相邀編輯自八年六月至九年一月始成并屬
族姪燾之同年王郁雲孝廉暨戰興邦貢士共同校正乃書未校
竣省立第三師範學校有人與戰君相熟竟假閱而詳錄以去愈
可見斯志之編輯大有裨益尤為不容緩也茲將以斯志付手民
特撮其梗概而為之序

中華民國九年 二月既望 知縣事紹興章運禧識

序

國之有史家之有乘鄉土之有志一也蓋天地間之萬事萬物曇
花一現過而不留無以記之將前不見古人後不見來茲舉千載
以來兩間之形形色色光怪陸離皆恍恍迷離而不可辨桃花流
水杳然一去而不返也詎非憾事哉士君子雖歷中外上下五千
年縱橫數萬里且無不了然於心若數典即忘里鄙不知不大可
惜耶况鄉土志一書舉一縣之風土人物歷代規模在在有關於
政治經濟足裨寔用者尤鉅唐書謂渤海人習識古今制度如生
平釣遊之區且不能稱說一二又何制度之可識哉昔太史公作
史記七表八志所由起為先例傳之靡窮也光緒末葉學部訂成

目錄頌之各縣余友沈慶颺羹唐曾奉委編輯旋以未付剞劂賁志以沒又垂十餘年遺稿飄零僅存山水物產不過全書十分之一乾嘉以上雖有早年縣志一書又不翅丁秦火之厄無足參稽本年夏大府尋向章衡卿邑侯索取斯書通衆議院省議會議士孫孝宗臧景祺兩先生薦余濫竽編輯一席江省馮諮議官慶瀾並存余門人郭春藻同任此事遂蒙章邑侯同意自陽歷七月己未蒐羅兼事調查經五閱月而始告成在余謏陋無學固未敢云克盡厥職然勉終其事一則副我邑侯雅意俾我邑有此縣志一書二則如天將破曉稍開曙先後有博洽君子再能踵此放一異彩得成完全善本則余之望也

中華民國九年 二月

古辰州後學崔正峰溪珊 序

序

釋氏有云乾坤大葉舟今古長流水每誦其言不禁往復流連而世界之萬事萬物彌綸磅礴於天地間者直寄焉而已然事物寄於天地而能傳之古今閱數千百年而歷歷可攷者何哉恃有史乘之紀載也鄉土有志濫觴於周禮外史四方之志與漢書之郡國志蓋分而言之則為一縣之鄉土合而言之則皆國家之輿圖也且一縣之人文物產道里山川在在有關於政治即草木蟲魚之微末又無一不切於實用之研究所係不綦重哉蓋平於古為邊徼之地世運迭嬗代有沿革惜文獻飄零無從徵信論古者動引以為憾己未夏縣知事章衡卿邑侯蒞守茲土下車伊始即

留心吏治於風土民情時深塵念訪求縣志已成灰燼之餘求得故友沈菊邨先生遺稿而簡斷編殘類多闕略根觸者久之適大府有徵修縣志之命我邑侯亟招士紳商確余以至友薦剴奉委與溪珊夫子同事編輯自愧作史無才秉筆邑乘游夏一辭恐不足贊筆削之嚴且尤慮隕越貽羞無以副單父任人之知遇用是惴惴勉竭駑駘蒐羅正史博採舊聞又復隨時調查凡事必錄其實五閱月而斯書告成在余不敏知不免譏陋貽譏然非則折衷於夫子去取則審定於邑侯又經王詔林戰獻廷兩先生之校正俾吾邑數千年來人物風化不共滄桑而俱變後之讀斯志者亦或觀化有自此則余之所深幸也夫

中華民國九年 月 蓋平後學郭春藻蔭軒 序

序

余生雅尚文學恒心儀於古作者之林惟足不出鄉里游覽未閱
觀聞以僻雖間學執筆著易圖略解潛軒讀書記藝舟雙楫論書
釋要聊齋拾闕書後友陶畊者軒詩文集各種究之經經私說未
足成一家言遑云窺古人之堂奧抑亦略存心迹耳每念吾邑東
絡羣山西瀕大海秀靈鍾毓蔚為文瑞其鴻篇鉅製經世之學自
應不乏流傳特恐山深林密即有高材名宿鄉先正隱君子其人
而筆墨無靈不足干城自衛往往琦文瑰字經風霜兵燹以俱湮
良可慨已今斯志成余得謬膺校正心竊然喜方謂九我邑古今
大著作凋殘散失磨滅埋沒而不彰者必經諸同人多方蒐羅采

輯之拾遺補闕俾發幽光不令隨秋蘭璞壁終淪棄於窮鄉空谷之中斯文不墜吾道之幸也乃欣欣披閱諸稱完備洵堪翼世礪俗獨闕文藝一門為之悵然者久既而反覆思維山川草木皆文章人物風俗即學問謂煌煌大文已隱寓於字裏行間即作藝文志觀當無不可此河渠平準諸書游俠貨殖列傳所由雜出於史記而為千古文學之極軌與吾願覽斯志者因之廣智猷敦風化裕經濟勵廉能視彼詞章記誦徒託空文相去不可以道里計噫升高自卑行遠自邇人欲洞然於天下古今大勢必先從一鄉一邑融會貫通縷晰靡遺斯為有裨實用者矣

蓋邑王郁雲兆林序於友陶畊者軒

序

鄉土志一書在昔八股時代工駢儷務帖括者率不以之為重輕故碩學宿儒有問以某山某水之原委某人某物之事理輒謝以不知而不以為恥者所在皆是今者國體已更科學尤重而學又皆求實際舉凡風土民情山川草木道里河渠以及人事之遺留物類之動植皆有待於研究以為增長學問擴充智識之具此鄉土志之所由見重也惜我蓋邑之鄉土志向付闕如間有見於前清盛京通志者僅寥寥如晨星雖事皆徵實然或詳古而略今或舉大而遺細未免有掛漏之憾焉今幸崔君漢珊郭君蔭軒承我邑侯章公之重囑不惜殫精竭力搜羅而編輯之吾知此志既成

小之可以擴學士之見聞大之可以備國家之採擇其有所裨益於學界者豈僅在吾一邑一鄉也哉

中華民國九年二月

蓋邑戰興邦憲庭序

蓋平縣鄉土志目錄

設治沿革附表及縣城圖

政績錄

兵事錄

名宦錄 忠義附

耆舊錄

孝義錄

節烈錄

人類

戶口附表

田賦附表
 雜稅附表
 風俗
 氏族
 宗教
 方伎
 實業
 工商
 政治
 學務
 學校附

警務
 農會附
 農務
 商會及輸出輸入歲額表附
 礦務
 境圖附
 縣境
 區界附表及自治學校區界
 市鎮
 公所
 學務
 橋梁渡船附

祠祀廟宇附名宦忠孝節義祠

古蹟

古墓

山脈

河流

道路

物產

鹽灘

漁業

山剪

鄉土歷史志卷之上

設治沿革

縣境為箕宿分野堯之時屬青州舜之時屬營州周初

國時屬燕秦為遼東郡漢又為玄菟郡置平郭安市兩縣魏置平

州晉初仍之前燕時屬平郭城苻秦時屬遼東郡北燕復置平郭


郡治南北朝時沒入高句麗改平郭為建安城隋時仍屬高句麗

始置城曰蓋牟漢書地理志曰西蓋牟又以為又於東北六十

里置安市城渤海之唐李世績征高麗破蓋牟遂取之改為蓋州

屬安東都護府尋收其民以歸渤海國渤海仍蓋州也後又改為

辰州以辰韓得名五代時復屬高句麗北宋時遼於辰州領建安一縣



又因渤海降戶置歸州縣西南九十里南宋時金以辰與陳同音仍名蓋州領湯池建安岫巖熊岳四縣元初屬遼陽府改為蓋州路又名為東京支郡延祐五年復置蓋州等處怯恰千戶所明洪武五年指揮吳玉因舊土城修築之九年廢所改設為蓋州衛城周圍七里三步高一丈五尺門三東曰順清南曰廣恩西曰寧海鐘鼓樓一在城中衢前清康熙三年改為蓋平隸奉天府熊岳屬之金復岫巖皆隸焉雍正十二年金復改州設治乾隆三十七年岫巖始置通判縣設知事一典史一民國二年訓導一民國元年城守尉一八旂防尉六驍騎校二民國倉稅官各一光緒三十四年裁乾隆四十三年重行修築後以西門近海人烟稀少交通寥廓填閉之門俗以西門多蝎光緒季年因許俄人通行汽車始啟為清

初分全境為十二社光緒三十年析為九十四區三十四年併為十七鄉各設鄉會所宣統元年劃出北撫北惠兩鄉歸隸營縣二年改為一城四鎮兩鄉各設地方自治會民國三年停止始分設道尹本縣遂歸遼瀋道屬歷古及今雖建置名稱代有更易然市井駢列既屬衝會又係海疆要皆數千年來所締造經營駸駸乎成為一等縣缺而以迄於今日者也特地處邊徼兵燹屢經文獻莫考幾同郭公夏五而故迹已不盡可尋矣此蓋平縣沿革之大略也

附熊岳沿革

熊岳在縣西南六十里唐以前荒邈難稽自高麗壘石為城周二十

里唐將薛仁貴與高麗搏戰擒善射者於石城即指此也考渤海國為柸盧郡遠為盧州置盧州元德軍領熊岳縣金併入蓋州元省入建安至元三年又併建安縣入蓋州明及清仍之雍正五年設副都統於此駐防守兵一千名厥後改為防守尉並設八旗改留防守兵五百名以備勦除盜賊之用十三年增設通判乾隆三十七年移通判於岫巖九田賦訟獄悉歸蓋平

附蓋平沿革表圖附後

朝代	名稱	建	設
唐	青州	分九州本境故屬青州	
虞	營州	分十二州本境故屬營州	

夏	青州	仍堯時之舊
商	營州	復虞時之舊
周	朝鮮	初為朝鮮七國時燕王喜徙遼東
秦	遼東郡	秦始皇滅燕王喜拔遼東
漢	遼東郡	在本境南北置平郭安市兩縣
魏	平州	合遼東昌黎帶方樂浪及本境為平州
晉	全上	省平郭縣入平州
前燕	平郭城	無制置
苻秦	遼東郡	全上
北燕	平郭郡	全上

南北朝

高句麗

改平郭為建安城

隋

高句麗
蓋牟城

置蓋牟城又修安市城

唐

蓋州

屬安東都護府唐末屬渤海
國始仍為蓋州後改為辰州

五代

高句麗

後唐明宗天成三年契丹陷平營
二州自是本境沒入於遼

北宋遼

辰州

平渤海置歸州旋改為歸勝縣

南宋金

蓋州

降歸勝縣為鎮

元

蓋州路

又名東京支郡尋設蓋州千戶所

明

蓋州衛

改蓋州千戶所為蓋州衛

清

蓋平縣

初仍為蓋州衛康熙
三年設縣始改今名

民國

蓋平縣

無制置

政績錄

秦漢以前本境屬朝鮮厥後又屬郡國府治且間沒入高句麗及渤海國守令之政績可攷者蓋渺惟自遼金以來設州縣置衛所官茲土者興利除弊寔代不乏人爰就蒐羅所及者書之如左雖不必赫赫之功而亦名棠邨黍之遺愛也作

政績錄

政績先後

公孫度

王政

合住昌速館必里

納坦謀嘉

烏頁爾

吳玉

吳立明

房嵩

張良佐

張世經	劉羽繩	郭運昭
趙守易	曹涵	胡世仁
劉錫福	王景興	潘彭年
強上林	王鄉湖	劉汝新
楊桂年	俞恒瀛	朱克揚
徐慶璋	李寶善	陳宗偉
金作勛	何守謙	錢宗昌
孫長青	祥德	劉廷珍
馬俊顯	姚煜	范一瑞
王樂曾	慕昌治	陸是奎

汪雲翀 胡永年 趙孚
 公孫度後漢人曾為玄菟吏政治甚優後遷遼東太守卒以武功為平州牧

王政蓋州人其先在渤海及遼皆有顯者及金太祖授以盧州渤海軍即熊岳武功甚著

合住曷速館苾里海水人任遼鎮辰州民多賴之後與胡十門同時歸金

納坦謀嘉上京路牙塔懶猛安人初習策論進士金承安五年特賜同進士出身調東京教授湯池主簿太學助教於本境文學裨益甚多

烏頁爾字珊竹克蒙古人太祖三年命充蓋州平州等處征行兵馬都元帥鎮撫東陲甚著威望本境賴以安堵

吳玉明初人洪武初官本境指揮五年因蓋平衛土城修築令城全湯鞏固千煉不墜公之勲績遠矣

吳立明南直隸鳳陽人洪武四年由遼東指揮遷蓋州衛指揮僉事守蓋州二十餘年治城郭繕甲兵課農興學在東南隅周恤疾

苦夙夜勤勞兵食饒足士民倚之

房嵩明初人里貫未詳洪武初守蓋州著有勞績及納克楚兵至見城有備遂捲旗越蓋州而去

張良佐明初人里貫未詳洪武間詔為蓋州衛指揮僉事關心文

教重修衛學納克楚犯境擊走之本境得以秋毫無犯太祖嘉其功賜蟒衣四襲侍卒三人

張世經江西南城人清初貢生康熙三年由遼陽縣調遷為本縣第一任知縣修廢起墮饒有政聲洵無愧一時能吏云

劉羽繩陝西略陽人清初舉人康熙十年官本縣下車即問民間疾苦更以本境為瀕海巖疆土寇不時出沒輒率兵往捕之十一年於城西北隅建聖殿三楹本城文風為之一振

趙守易直隸宛縣人康熙朝進士三十九年官本縣下車即召集紳耆語以國家承平正宜亟興文教以培風化遂仍西北隅學宮之舊籌貲而重修之增櫺星門一座東西角門二楹每月朔輒集

諸生誦學雖日昃弗倦也

郭運昭廣西宣化人康熙朝舉人五十二年官本縣政尚清簡每於案牘之暇輒究心文治五十四年移學宮於東南隅前明衛學今之文廟六十一年與典史王振同士民等捐建東西廡各三楹二百年來莘莘學子得沐菁莪之化者皆公力也

曹涵山東安邱人清舉人雍正六年官本縣修明政治尤存心於普通教育以啟發童蒙成就後人為快事雍正七年在縣治西建義學三楹境內人材賴以培植者甚眾

胡世仁漢軍鑲藍旗人歲貢生雍正十年官本縣在任五年留心政治先是郭公運昭創建文廟未立戟門公蒞任亟出貲增築

之其任事可見矣

劉錫福直隸宣化西寧縣人乾隆三年官本縣訓導在任十餘年以崇聖道興文學為己任與知縣黃永耀徐寅先後籌倡捐廉重新文廟殿宇並建東西牌坊圍墻照壁至十三年而歲事斯役也黃徐二公總其成而慘澹經營公之力獨多焉

王景輿山左章邱人嘉慶十六年官本縣觀學宮完備多士濟濟輒心賞之惟念諸生文義明通而經義闕如不無遺憾因籌貲擬建尊經閣購置群書令士子悉心讀經每月朔親臨誦貫不輟云潘彭年字椿軒順天宛平人道光六年官本縣素以端風化正人心為政治而訓士尤講敦品行重陰陽饒有唐李栖筠孝友訓諸

生之風斯年遂於尊經閣前建文昌宮並塑像以為式蓋為帝君重隱德如有學無品非端木之治也

強上林字杏齋江蘇人道光十四年由翰林散館官本縣斯年會本縣商人因憑帖太夥名曰票市虧累甚鉅日夜潛逃民遭損失洶洶然咸與官府為難上峰恐激成變端急檄公來及接篆憑帖堆如山集亟出示民譁囂益甚日繞署紛呶不休公焦思不成寐一夕鬚髮皆白急設法將各商號貨殖秉公作價苦口與民溫語商議每緡先付二成其餘則緩期抵補風潮始息因此鬚髮皆白傳為佳話每與邑紳談云吾輩當如漢吏循洵足風矣

王薌湖里貫未詳咸豐三年官本縣多善政不可殫述惟地米一事歷任浮收弊端屢出公以其累民仍照舊章三五七成立案上裕國課下恤民生邑人頌之泐碑學宮前迄今追述不置云

劉汝新廣東信宜縣人清進士能文章善書法咸豐間官本縣以慈惠化民有東里遺愛之風會土匪李平李信由航海竄入甯聚數百人先於邑北焚掠殆盡公偕城守尉廉公玉激勵士卒誓滅此朝食大石橋一戰獲匪首二人殲之餘賊遁去銜公甚深公任滿回京賊偵知之至錦西要隘突出劫公官囊一空並傷其從人精於武術者翁殿卿焉

楊桂年字香崖金陵人清進士同治間官本縣素性雅愛士每當扃門縣試輒誦題拳拳不倦善畫墨梅尤善治冤獄邑東南礦洞

海趙姓係農人以其婦暖昧事釀人命繫獄者數年公多方為之
昭雪始獲安度

俞恒瀛里貫未詳同治五年官本縣會馬賊蠶起鄰城悉遭蹂躪
公偕城守尉載耀嚴加守禦並與邑紳勸辦鄉團及賊入境望風
氣沮四境未罹烽鎗之慘實兩公之力也

朱克揚浙江蕭山縣人光緒八年官本縣剔除積弊饒有政聲性
尤愛士每逢縣試親自衡文遇有佳卷濃加丹黃獎拔如恐不及
嘗於謁廟見學宮頽圯輒欷歔久之遂捐廉為邑紳倡塗墍一新
又於東南城垣高建奎星樓為本縣文明發達之兆
徐慶璋字嶼齋浙江紹興人光緒間兩官本縣善鋤豪強斷疑獄

有徐青天之稱而拏獲教匪一事尤為膾炙人口先是王連甲佞
佛後乃別立一教曰混元教多方煽惑從其教者日以眾八年三
月三日在邑南小米寨聲言度其徒金福強飛昇先期偏發傳單公
聞之乃陰為之備屆期觀者如堵羽黨高會約四千餘人逼金福
強高坐謂日當卓午仙酒三杯登時羽化其妖異真同叛逆黃巾
白蓮不啻也乃日未午公猝至首事者悉被擒獲其餘黨紛紛散
訊其從前事已毒死二人公乃詳請上憲就地正法破一時迷信
其剛果可見矣厥後游升遼陽甲午一役為遼瀋屏藩日人不得
越雷池一步公洵非祇百里才也

李寶善字慶軒直隸南皮人同治朝進士光緒十二年官本縣政

尚寬厚尤殷殷愛士斯年冬縣試崔溪珊故寒士獲首選先是未揭曉有人說公周親持千金進冀得斯科案首公怒叱之曰取人以材且吾以寒暖起家不忍也此亦足見公之待士一斑矣

陳宗偉字仲彥杭州人光緒乙酉舉人清初名家陳勺山先生後裔也十五年官本縣每遇姦民則嫉之如仇會城北三家子藍旂廠等十五村受匪人擾害民苦之公力任保護去其害村民感戴署前立有德政碑迄今尚存

金作壘字伯履浙江庠生光緒十六年官本縣以治盜名於時會有城北王連漢于連甲姚廷芳等皆著名巨匪鄉民喫掣不堪言狀公乃率兵役屢獲渠魁置之法未及三月豪暴潛逃盜風頓息

斯年冬灰莊屯有白蓮教徒自三座塔來者假符咒術鼓惑鄉民有王姓者甘為戎首陰圖不軌公階巡防營討平之不株連一人語云除暴安良公實有之

何守謙字竹銘廣東人光緒間進士二十年官本縣廉正持大體蒞任即清查蠹役剔除積弊衡文喜議論尤講理法每值生童月課用心品題士林頌之二十一年冬中東之戰蓋平戒嚴每巡城輒登埠痛哭及客兵潰公見勢不支抱印綬坐地誓與城同存亡家人強曳之去公之忠誠有非俗吏所克及者矣

錢宗昌字蘭滋浙江杭州人光緒壬午科副榜就職州判旋保知縣庚子冬署本縣時奉匪亂後俄人踞城伏莽四起公抵任住城

外小旅舍招集書役下車三日捕數盜立斬之嗣與俄人交涉得
入城假民房為縣署撫渠盜高鉄匠使捕群盜自贖獲巨盜五十
餘悉斬之時和議未成營川為盜賊淵藪城南幾斷交通俄人指
營口練長胡國恩為匪送縣究治胡本非善類公用權術釋之令
捕盜贖罪南路始通時匪民恃俄人勢力魚肉鄉民公捕得即重
懲之兼以旗人產業例不賣與民人往往以永典文契勒贖公悉
判不准回贖以維我民生計迨地方平靖大府旋派防隊於地方
多所騷擾公因稟請調回力爭不獲忤長官意解公任觀以上事
實公之政蹟可見矣

孫長青字紹卿浙江紹興人也光緒間官本縣有政聲二十四年
夏間俄人初辦南滿鐵路經營口道憲屢調公充交涉員凡俄人
畫路線購地有碍民生過事壓制者必與力爭南鄉人民因俄強
佔田地發價太少羣起為難俄員派隊往彈壓幾釀大故公聞耗
連夜馳往力阻兵隊止民妄動俾俄員秉公估價遇有廬墓繞道
改畫軌線非公胆識俱壯折服俄人烏能相安無事造福邑民良
非淺鮮

祥德字星如吉林伊通州人江寧將軍豐漢文公之孫也光緒二
十七年官本縣會日俄戰起俄舌人每借事殃民民懇於公公亟
捕得之俄官十數人來為闕說公據理與爭悉揮之使去渠兄在
俄營者尤饒勢力急赴俄將軍格米沙爾作秦庭哭將以強迫手

段出其罪比文到已斬之遠近稱快未幾日本間諜二人潛入城為邏卒所執公推誠相待溫語多時資去之公慮俄人知道班役夜捕越城牆者二人繫之獄翌晨俄官果來索日諜者公出越牆者二人答之事遂寢及俄敗北日將軍大山進城一見公歡若平生並言為公故遲我兩句鐘得蓋平蓋以公有前好不忍蹂躪城內商民也厥後立交涉局設公議會民皆賴之公在任五年雖門政高某巧於蒙蔽暗通苞苴亦公待人仁厚之過也

劉廷珍字聘臣福建侯官人光緒間進士三十一年官本縣適當變法之初公以舊學行新政立師範傳習所設高祀小學校勸辦農商局並分設巡警十餘處沿途勸民栽樹公餘之暇常往復巡

視與野老席地談文明進步公寔首倡焉且公生平得力尤在以不欺之學措之政事觀其對於訴訟恐胥吏欺民則親自收授對於戶口恐差役欺已輒沿戶檢查嘗於城隍廟前揭禁其誓言一則大旨謂我如欺民神其鑒之公殆優於德者也

馬俊顯字績卿吉林伊通州庠生雅尚書畫光緒三十二年官本縣下車即清理積業悉民間利弊先是城東南三道海道士華合盛著名之士痞也率眾抗捐以致巡警學校無可著手及公至嚴捕首惡華道士聞風先遁遂將其廟產數十萬掃數歸公藉充學校經費於是全境學校林立計公朞月設學校百七十餘處學生八千餘人蓋非公之才當不至此

姚煜字文甫江蘇人光緒三十四年由營口鹽釐調署本縣仍兼鹽釐事務會因學校初創款項支絀各邑紳磋商之曰計沿海鹽灘歲可出鹽二十餘萬石於每石應徵額稅外收贖鹽者銅幣三枚歲可得洋四五千以之挹注學費詎不甚善眾聽之遂請於督憲 徐公行之並以砥師資嚴獎懲剔積弊節虛糜四條頒行各校一時校風肅然先是東南三鄉民戶賦稅多在岫邑竟越境來捐學款畝二百文民苦之懇於公公為請罷之東南始無重捐之累焉

范一瑞字靄亭光緒三十三年官本縣性和平倡辦自治期成會修習藝所在任年餘雖無可驚可喜之事然與民相安民多使之王槩曾字又沂光緒末年官本縣在任年餘盡心民事吏治清平與民休息相安無事邑人稱之

慕昌治字平甫山左蓬萊人光緒間舉人蒞任本縣辦事認真喜近端人秉性孤直惜在官未久因事去職

陸是奎字聚五江蘇武進人宣統元年官本縣蒞任初通自治改鄉歸鎮事關初創凡地方公益多留心提倡自治進步寔自公始汪雲翀字鶴鳴江蘇人宣統二年官本縣公抵任之次年即值革命軍起移官換羽公適丁其艱布置尚有秩序對於地方自治亦頗熱心整頓

胡永年字松喬號牙公錦縣人民國二年由法庫調任本縣性雋

雅有名士風善書畫案牘之餘以詩酒怡情任事慷爽嘗自書官
廨楹聯云行政臨民主持公道遵章執法慎厥始基并顏其匾額
曰施畏堂在任年餘凡署中廳事設置精雅點綴一新對於新政
尤多整頓未至以詩畫廢事

趙孚字信臣安徽人民國三年官本縣在任二年及卸篆招集在
城士紳交出地方公積金一款俾公籌保存辦法因此項積金
購置蓋守本公產留備兵荒之用

朱斌奎字吉甫遼陽人民國五年官本縣在任二年餘抱穩靜主
義後因學界風潮維持經年惜未克如願而即去官矣

兵事錄

涿鹿為兵事之始史乘有書惟遼東為朝鮮古國周之末葉
如何變遷書缺有間矣自秦始皇拔遼東厥後歷代習於北
土若備邊若防海若禦蒙視此地為必爭之衝疆事日繁戰
征日烈考稽一二亦古今得失之林也作兵事錄

秦燕之戰 始皇命蒙恬築長城二十五年虜燕王喜滅燕併
此地為遼東郡

漢及高句驪之戰 漢安帝元初五年高句驪攻麗城本境太
守姚光起兵與蔡諷擊破之

魏滅遼東之戰 魏文帝時公孫淵據遼自立為燕王景初八
年魏遣司馬懿將兵四萬討滅之由是本境與樂浪四郡皆平

晉平城之戰 晉大興四年慕容廆以其子仁鎮平郭咸和八年仁據平郭以叛咸康二年慕容皝率師襲之至麗林口捨輜重輕兵取平郭

唐及高麗之戰 貞觀十八年以李勣為遼東大總管明年潛師濟遼水拔蓋牟進攻安市城不克引還咸亨三年高麗餘衆復叛遣將高侃擊敗於安市城薛仁貴白衣登城即此

唐石城之戰 顯慶三年薛仁貴伐高麗與高麗大將温沙門戰於熊山轉戰至石城城即熊岳有善射者多殺官軍仁貴白衣單騎突擊賊弓矢俱廢遂生擒之

契丹渤海之戰 後唐明宗三年契丹率兵陷營州盡取渤海

地由此本境沒於遼

遼太祖歸州之戰 太祖率兵平渤海因置降戶於此名曰歸州統和二十九年改歸州曰歸勝縣

金元之戰 金貞祐元年北邊千戶耶律瑠格自立為遼王改元元統盡有遼東諸郡蒙古穆呼哩屬攻遼東三年金宣撫布希萬努取咸平東京以叛瀋州以南多從之國號大亨改元天泰尋侵金萬努率衆九千人出湯池赫舍烈德率兵與戰其衆潰去四年降蒙古復叛僭稱東夏

明及倭人之戰 洪武初倭人寇遼東帝命常遇春率師禦之戰於本境倭人敗北由畢利河竄去

明及元兵連雲島之戰 洪武四年馬雲葉旺均南直隸人為都指揮使八年納克楚犯遼東雲與旺守禦嚴密納克楚由祚河遁葉旺由連雲島至窟駝寨沿河疊冰以水淋之竟夕凝結如城藏釘板於沙中設陷馬阱於平地伏兵以待已而元兵至方過城南礮發伏起敵兵惶惶北奔趨連雲島遇冰城馬不能前皆入阱中衆遂大潰馬雲於城中出兵追擊納克楚僅以身免雲旺並加都督僉事分鎮遼東

明季清初之戰 明天啟元年即清天命六年明經略袁應泰與清四貝勒戰於遼陽兵潰登城東北鎮遠樓見城破舉火自焚死遂下遼陽閣城以黃紙書萬歲牌焚香歸順由是分兵南下至

蓋州熊岳等五十寨軍民俱薙髮降

本城官紳及賊匪之戰

清同治間賊寇竊發有渠魁康七者

率群盜數百擾亂本境四鄉居民襁負逃竄官率紳民登陴戒嚴邑紳郭允慶字勤軒督帶練勇隨官兵助勦轉戰城北數十里追

至耿家莊大破之

初賊至東海山寨居民孫立福孫立金者曾挺身調說

甲午中東之戰

清光緒二十年中日失和九連城一敗毅軍

宋宮保慶退屯邑北雞爪溝派總兵章梈元守邑南門松武軍統領楊人傑守東門知縣為何公守謙相與協守每巡城輒痛哭宮保又派淮軍徐邦道率兵赴援十二月十五日中日接綏章軍戰甚力旋以楊公與日軍戰於鐵塔山督戰甚嚴忽為營兵所刺師

大潰章公見勢不支而徐軍亦望風而退不得已遂抱隊西去知縣何公見城將破抱印綬誓以身殉城家人曳之去日兵遂整隊入城旋立行政署民命財產悉歸箱制己未秋和議成日兵撤退民始更生

庚子拳匪之戰 拳匪起自山東亂民以輔清滅洋為名曰義和團遂蔓延吾省各處蓋平境內拳匪發生寔自斯年五月始知縣馬公鴻階不之信幾不免於禍旋撤任廖公鏡如繼之乃惑於驅鬼神避槍礮之說大加崇信匪勢日熾卒至焚洋樓殺教士燒毀鐵路橫生厲階斯時城守尉載公碑與團練長孫君相宸率兵百餘名與匪同守城七月七日俄兵放開花礮彈丸如雨洒落滿

城拳匪禦之死者尸積官兵見匪敗皆逸去知縣廖公棄城走城中男女相攜出城避難擁塞不得出呼聲動天地斯夜城為之空侵晨俄兵入佔據縣署掠奪民財未及出城者多被殺戮加以四境宵小乘機而起俄兵藉安民為名干涉詞訟地面全歸管轄斯時奉天將軍增公祺與俄立私約保衛民生俄人仍把持政權吾邑紳耆因設公議局企圖自治自秋至冬盜賊盜起鄉間巨匪竟勾結黨徒假託善類創立保險局按戶抽捐或有抗拒即勾通強搶弱肉強食民不堪命至辛丑和議成始各安其業而民困稍甦矣癸卯俄日之戰 斯年十二月俄日交兵甲辰五月由旅大退至蓋平駐兵城內日軍尾其後縣令祥公德字星如亟與俄軍商

俄兵出城交戰城中居民始得免於禍六月中旬日俄兩軍分駐大石橋南俄軍自周家屯之南山東南連營十餘里日軍列於孛蘿舖之南山旋別遣一軍由湯池斜進十二日黎明以火礮相薄擊鏖戰終日戰線之內民舍蕩然夜間日軍橫列礮車十數里絡繹不絕以震撼俄軍俄軍氣餒乘夜北竄日軍進駐大石橋十三日日軍北上裁撤軍政署車站僅存憲兵數十名居民稍安革命起義之戰 清宣統三年八月武昌起義叛建民國吾邑東南一鎮有舒天民字燕蓀王俊山郭俊臣朴貫三朴雨琴劉緒堂張金標數人素日嚮慕共和親赴南京領革命軍條約並軍糧若干約期舉事十一月三十日佔據萬福庄自治會樹共和旂響

應者二百餘人事聞上峰亟派孫烈臣字贊堯即今江省督軍兼省長督同馬四營營長陳子安蓋平姚警務長同往戡其亂十二月初二日圍自治會初五日平明接仗兩軍死戰卒之朴雨琴飲彈陣亡革命軍敗由自治會拔出被困之總董馮慶瀾字揚霆議長郭春藻字蔭軒議員崔秀峰字雲亭辦事員曹嘉善字國賓文瀆庶務于紹忱于百川等事平孫公亟力善其後居民始安堵焉

名宦錄 忠義附

吾邑山水接長白遼瀋滙歸之秀文武異材不無蔚起乎其
中金遼及前清以來豐錫接壤戡亂輔世之才尤往往觀感
興起時有其人焉蒐羅史乘聞之父老爰撫其實表而出之

作名宦錄

宋浦一名韓勒忠蓋州人歷金兵部樞密院尚書省令史轉大理寺知法遷右三部司正練達邊事太定中為監察御史章宗時累官武寧軍節度使性敦慤通法律習女直契丹字以直自守不交權貴時譽歸之

鈕祜祿額特埒即粘割韓特刺蓋州人金大定七年授吏部主事遷河南路統軍使因與宋交涉稱職遷刑部尚書參知政事世宗委提控代州阜通監進尚書右丞兼樞密副使為上京留守遼朝拜平章政事封芮國公在相位十餘年卒諡成肅

溫特赫達又曰溫迪罕達字子達蓋州人性敦厚寡言笑祕舉進

士廷試搜閱官易達藐小謂之曰汝欲求作官耶達曰取人以才不以年貌眾皆異之金明昌五年中第遷監察御史轉太常少卿攝侍御史上書言遼東興王之地當專守以繫一方之心又言宰相繫天下輕重不宜權攝俄充陝州行樞密院參議官仕終戶部尚書

完顏閻山蓋州人金明昌二年進士累官沁南軍節度使入為工部尚書定興中因伐宋參議諸軍改知平涼府又屢有軍功詔為吏部尚書時選戶部官率舉桑孔之術應詔閻山曰民勞亟矣復用此輩將何以堪識者避之

完顏弼本名達希布蓋州人積功加平南盪江將軍金貞祐間屢

立戰功元光末累官山東西路兵馬都提管充宣差招撫使生平喜讀書輒引儒士雅歌投壺以為常所辟士皆立方面功治東平愛民省費軍民帖然有古良將風

王政蓋州熊岳人遼季高永昌據遼東知公才欲用之不就永昌敗渤海人爭縛之以為功政獨送巡引退吳王棟摩聞而異之言於太祖授廬州渤海軍從破白碣下燕都皆有功及伐宋留公為安撫使釋繫囚發倉廩遠近降服尋除同知金勝軍節度使時軍旅事定筦庫未立吏蚩緣為奸政獨明會計嚴扃鑰出納無錙銖之失吳王戲之曰官久而不加富何也政曰政以楊震四知自守安得富王笑曰前言戲之耳以黃金乘馬賜之天眷元年仕至保

靜軍節度使致仕卒子遵仁遵義遵古皆知名

高彪蓋州渤海人公始生其父陸格因術者言不利於己欲不舉賴母為營護數歲竟逐之匿於外家遼人調兵東京時陸格已老當從軍慨然曰吾兒若在當勝兵矣公因見父代其行戰於珠赫店所向皆披靡軍帥見之曰此勇士也令生致之公遂從幹魯屢立戰功天會五年授靖江軍節度使又屢破宋軍勇健絕人能日行三百里身被重鎧行險如飛及臨敵身先士卒未嘗反顧大小數十戰率以少擊眾無不捷歷官樞密副使封舒國公卒謚桓壯公性機巧通音律人無貴賤皆溫顏下之

幹勒合打蓋州人以廕補官調陰山尉縣當兵衝公身先行陣貞

祐初以功遷本縣令旋充刺史累官同知太原府事彰德軍節度使權河東北路宣撫副使及金安節度使興定元年復為勸農使歷知河間府權元帥右都監行元帥府事又同簽樞密院事屢守邊要未嘗敗北元光元年卒

烏庫哩仲溫蓋州人金大定二十五年進士累官上京東京等路按察司事改提舉肇州漕運金貞祐初為鎮西軍節度使時中都被圍遂至太原移書安撫使約以鄉兵馳救不能進抵平陽公嘗治平陽吏民爭留之公曰平陽巨鎮易為守禦於始計得矣如嵐州何遂還鎮已而元兵大至城破不屈死諡忠毅歲時致祭劉仲尹蓋州人金正隆二年登第後以潞州節度副使召為都水

監丞能折節讀書詩詞樂府俱極蘊藉墨梅詩尤為人傳誦著有龍山集傳世

龐鑄字才卿蓋州人少擢第仕有政聲宋南渡後為翰林待制遷戶部侍郎尋緣事倖東平改京北路轉運使卒公博學能文又工詩造語奇勗不凡世多傳之

王庭筠字子端蓋州熊岳人後家河東父遵古官至翰林直學士公生末期視書識十七字七歲學詩涿郡王修一見期為國士登大定十六年進士調恩州軍事判官臨政有治績金明昌元年詔試館制中選因論事罷官卜居彰德讀書黃華山寺三年詔為應奉翰林文字與秘書郎張汝方品第書法名畫嗣遷修撰太和元

年扈從秋山應制賦詩三十餘首上甚嘉之明年卒詔有司賻喪事求其平生詩文藏之秘閣公儀觀秀偉外若簡貴人視不敢與接既見和氣溢於外但有可取輒極口稱道所薦引者皆一時名士世以知人許之工詩尤善書法學米芾兼精山水墨竹著有藪辨十卷文集四十卷子曼慶字禧伯亦能詩并書仕至行省右侍郎中自號澹游云

王明之蓋州人元代累官翰林學士追封太原郡公

溫迪罕完蓋州人元代至元元年知趙州州當子午要途差役繁雜公從容辦集民不為擾采地八百畝值歲旱公惻然不忍民飢皆蠲其租民甚德之

陳鑑蓋州人明正統戊辰進士賜一甲二名及第官翰林學士使朝鮮有皇華集行世後官國子監祭酒陞禮部尚書

高潤蓋州人明正統乙丑科登進士第後官至刑部郎中

李彥名蓋州人官明通議大夫邑西南團山子有墓在焉

蘭英蓋州軍人也明成化九年隨廣寧總兵歐信追敵於小黑山因風縱火軍潰信馬中箭死公以馬授信信乃得出公遂遇害巡撫作碑表其義

李世相蓋州人明萬歷間舉人官至山河關通判頗有政聲

王元會蓋州衛人知鄭西縣崇禎十二年張獻忠掠湖廣諸郡縣夜襲鄭西城破為賊所殺清乾隆四十一年謚節愍

張祺蓋州人明崇禎壬午科及進士第官遷安知縣
吳良能蓋州人明崇禎時知滕縣流賊麇集十五年城破拜辭其
母單騎犯陣死

滕應元蓋平人仕明使朝鮮天聰間降清屢立戰功後深州兵敗
陣亡以侄承霄襲騎都尉世職封中憲大夫本邑文廟前有滕公
忠義祠在焉公後人滕天成承襲二等哈哈番征浙閩攻戰陣亡
封資政大夫入忠義祠

張岳祖蓋州人邑庠生任山西臨榆縣知縣順治五年十二月姜
瓖率賊圍縣城晝夜攻擊城不能守公登城罵賊城陷遇害世襲
雲騎尉

卞將軍居蓋平清初屢立戰績封鎮國將軍邑東南龍灣有公之
碑墓在焉

閻將軍居蓋州清初戰功卓著封懷遠將軍邑東南一鎮有公花
園樓址及墓在焉

耿精忠居蓋平明末隸旅順黃龍將軍麾下後降清隨征有功封
懷王迄今邑東懷王墳前石人石馬欹側於荒煙蔓草間尚有可
攷

沈志祥蓋平人清封肅順公終清之世本邑境內東北二鄉有墓
在焉牌樓前立神道碑三俱丈餘清聖祖製文有食租公產若干
頃

林天擎蓋平人清順治二年知山西蒲州府時寇亂頻仍境土初
闢公招流亡寬夫役省刑罰薄賦稅安插兵民俱有幹略州人胥
頌之卒祀山西名宦

許可用蓋平人清順治四年為山西延平道滅賊渠劉遷州城卒
獲安全代人立祠祀之

王來觀蓋州人明崇禎間官河南汾守道清初歷山西霍州知州
順治六年姜瓖叛公嚴修戰備日夜防守城破巷戰死事聞襲恩
騎尉

佟國仕蓋平人清順治初武舉歷官山西井坪路參將會姜瓖兵
犯境公堵勦之遇伏戰死賜恩騎尉世職

張國英蓋平人清順治二年武進士官山西扁關營參將順治六
年以病乞休未卸任會姜瓖亂作公率兵勦賊陣亡世襲恩騎尉
陳思忠蓋平人清順治間由舉人歷官山西屯留縣知縣順治六
年姜瓖率眾攻城城陷被執罵賊不屈死事聞世襲恩騎尉

閻有功蓋平人清康熙間以軍功補浙江衢州衛右營外委旋補
左營把總十四年三藩之變公率兵堵禦力戰陣亡世襲恩騎尉
李成功蓋平人清康熙間由武進士歷官廣東曹州參將吳藩變
起公力戰被擒欲降之不屈死世襲恩騎尉

張廷輔蓋平人清康熙十三年耿藩叛十六年公銜命討之屢立
奇功十七年擊劉國軒於海澄中砲歿贈雲騎尉世職

項天成蓋平人清順治辛卯遼學舉人官趙州學正
李芳春蓋平人隸正黃旗漢軍清順治五年知直隸慶雲縣邑當
殘破之餘公年少賊甚易之公乃與協鎮郭天培等密謀勦捕前
後擒賊黨二千餘人訓練鄉民皆知守禦賊相戒不敢入境
王國泰蓋平人隸廂白旂漢軍康熙十二年為福建福州同知適
耿藩潛蓄異謀公偵知之達於總督范承謨為預防之計後佐泉
州與民休息會耿亂甫平海氛尚熾軍書旁午辨應夫船公皆親
自給價不肯擾民未幾泉州告警自請召募勇壯得數千人擊賊
大敗之泉州圍解敘功擢安徽按察使閩人思之祀名宦祠
白登明字林九蓋平人隸廂白旂漢軍知江南太倉州立衛靈地

棍賭博奸淫四禁犯者必置之法會奸民某通寇事覺有某袖出
一狀謂某某皆其黨九州中巨室富家無或遺公知其誣曰若非
寇何知某某皆寇黨以若狀上若死無赦矣某感悟毀其狀州之
大姓皆獲免公暇試諸生以地方利弊故摘發無不中也又善治
水州及崑嘉二邑咸賴其利焉

白允明登明仲弟也以選貢得官嘗謂國家肇基東土多以武功
翼運今天下雖大定然西南尚有通寇兵戈不息正志士效命之
秋也乃習武事順治十二年授雲騎尉十六年擊敗楊文英等於
揚子江口康熙十三年吳藩等叛海寇亦乘機窺視江南以將軍
王之鼎薦擢都督僉事三藩平改駐廣東參領卒祀江南名宦

白啟明登明季弟也康熙二十一年知粵之慶遠府時初經兵燹公竭力撫循收贖難民勸墾闢設義倉給牛種境內晏如復修舉廢墜建學宮葺城垣皆捐俸成之後以循卓遷擢去卒祀粵西名宦

張必科蓋平人恩貢生順治四年知直隸慶雲縣甫兩月宿弊盡除會巨寇猝集勵衆戰且守公矢無虛發忽弦斷手傷擲弓曰命矣猶當尋一死所遂提戈下城至署齋舉火自焚事平贈僉事

陳啟泰蓋平人廂紅旂貢生康熙三年任兵備道捕擊豪強姦宄歛迹會耿藩偽檄南下公密與某官黃梧謀拒守適梧病作不可支公妻劉及女先自裁妾婢二十餘口相繼死公從容引僚屬入

視慷慨陳義無異平時具朝服再拜乃自盡贈工部左侍郎謚忠毅

楊奇烈蓋平人弱冠知沂州有政聲遷登州守康熙二年分守登州道會于七之變總督祖澤溥親率兵進討公外撫流民內供軍旅賊平得與賊交通書對衆付之火反側者遂安督帥以賊首逃去朱橋王徐二村尚多賊欲縱兵焚勸之公願以家屬保二村之民遂得解今登萊二郡俱建感恩祠

王國安蓋平人康熙二十八年任奉天府尹廉靖不擾二十七年再任晉兵部左侍郎入名宦祠先是公撫浙整飭漕務清理權稅革陋規建坵坊杭城兵民雜處營債素為重累公捐金代償焚券

息爭浙人頌之

于成龍原籍蓋平人隸廂紅旂漢軍康熙初知江寧府時總督于成龍剛正清介於屬吏少許可獨獎成龍才由通州牧題守江寧興利除弊知無不為時徐州奸民某以左道惑眾上告事下江寧鎮江兩府會鞠公力白寃狀制府疑故縱公持之甚力奸民卒坐誣又瀕江蘆洲多被豪強隱佔公以有洲無課有課無洲分別蠲稅人皆服其平允二十五年巡撫直隸政治嚴明事有不便於民者悉除之遷河南總督去三十七年復以總督管直隸巡撫事民間其來無不歡踴公生平所至有政聲與永寧于成龍齊名人稱大小于公以別之

焦和生字琴齋蓋平歸州人十七歲入邑庠二十八歲乾隆甲辰連捷進士授刑部主事歷陞員外郎中記名御史壬子科充四川主考旋授廣東瓊州府知府署雷瓊道時值黎匪作亂公率兵勦捕寬其脅從殲厥渠魁四閱月歲事陞湖北兵備道公賦性穎悟家貧不能讀書年十三始就傅著有連雲書屋詩文稿行世嘗自賦云一生官迹追坡老畢世吟懷學少陵

劉逢甲蓋平人乾隆丁卯舉人歷官福建永春州知州後陞任知府

孫淦酉即孫衡公蓋平人嘉慶己卯科進士授國子監學正著有詩文集待梓

王嘉安字鹿賓蓋平人咸豐壬戌進士朝考欽點主事簽分禮部充差學問淵博惜供職未久而卒

姚熊飛字揚廷號容舫蓋平人清道光辛巳舉人壬午進士即用知縣籤分湖南歷任新寧江華桃源等縣知縣旋佐羅公思舉戎幕陞授江藍理徭同知寶慶府知府調授江西饒州府廣信府知府尋授江蘇常鎮通海兵備道陞授江蘇按察使咸豐三年告病回籍時年六十四在籍病故公年幼貧苦賴鄉先生繆和椿培就之公長子文沈字鏡堂官甘肅隆德縣知縣次子正鏞字仲海邑庠生江蘇知府精書善畫尤工詞曲

姚國振字芹溪容舫公四弟也由平徭軍功補直隸州知州咸豐

四年髮匪竄擾湖北麻城縣公力戰勦賊殺馘七十餘名嗣因眾寡不敵手刃數賊力竭陣亡事聞世襲雲騎尉三子清臣字子藩由軍功經鮑公超保陞廣西馬平縣知縣歷官十八年光緒十年丁內艱致仕

秦聚奎字星五別號鳳山蓋平人弱冠補博士弟子員道光十七年鄉試中式二十一年成進士二十五年補肅寧縣清釐積案滅徭賦嚴緝捕二十六年土匪宋廷生等為盜捕平之三十年大計卓異調饒陽縣公調集團練激勵紳民獲賊謀賈露水斬之賊乃東走津門事聞予知府銜以直隸州知州儘先擢用咸豐八年署交河縣境內翕然九年以知府擢用斯年署蠡縣十年攜博野令

馮彥仲擒匪首十餘人賊悉平十一年署景州事同治元年攝大順廣道並會辦直東防勦事宜厥後銳意勦賊殉難於冠縣之桑阿鎮同時陣亡者公侄福泰贊皇令蒯遐齡縣丞蔡玉麟及兵勇家丁共百數十人事聞詔贈太常卿予謚剛烈祀昭忠祠原籍及死事地方均立專祠福泰等一併附祀公幼食貧知稼穡艱難居官尤盡心民事需次保定時思故師王公德之樂亭哭其墓並置田以贍其家其餘容城孫夏峰博野顏習齋獻縣王五公山人李恕谷先生諸賢遺集廣為蒐輯又嘗與肅寧明經苗先路究心許氏之學廣文劉子重河間學博高寄泉諸先生誦求考據祿入輒購書不下數千卷親加丹黃每因讀史有規過不嫌多諍友讀書

每愛哭忠臣之句公之志節可概見矣

劉珩蓋平人道光丙戌進士歷任雲南昆明平彝蒙自等縣旋陞永北廳直隸同知任甘肅河州署鞏昌府特授湖北遺缺知府充戊子雲南同考試官

李克勳字翊侯蓋平人道光乙酉科優貢宗室漢學教習以知縣發往貴州補授恩州府清溪縣知縣遇水災捐廉賑濟民祀以長生祿位旋歷署貞豐鎮寧獨山各州知州在鎮寧任內白水河觀音祠民亦以長生牌祀之又調署台拱普安二廳同知於道光三十年告終養歸里在籍總辦勸捐事務並加蓋平學額二名旋總辦團練防海賞加同知公長子錫祚字蔭棠邑庠生辦米捐出力

又捐米若干賞加直隸州州同次子錫祥字黔生光緒庚辰恩貢投効伊犁將軍金忠介公奏保藍翎生平性好游能隸書為人書屏聯輒署足迹半天下人習堪輿得異人指授著有造葬所忌須知待梓意在校正誦風水者之遺誤耳

劉中鰲蓋平人道光丁未武進士即用營守府

王德懋蓋平人咸豐壬子武進士即用營守府

李克慎字晴川翊侯之堂弟也由廩膳生報捐湖北司獄在湖北辦理團練出力同治三年在黃梅縣同麻城縣知縣姚國振勦賊陣亡奉旨死事地方及本籍建立專祠並賞雲騎尉世職公弟克盈字持之道光乙酉科拔貢宗室漢學教習補授光昌教諭丁

艱回籍主誨辰州書院著有茹香堂試帖數十卷待梓

舒泰字心泉蓋平熊岳人同治間進士官知縣十數年學問政治亦有可觀

鄒英元蓋平人以進士出身署江西張儀縣咸豐八年洪楊倡亂公率兵破賊歷陞知府後因上峰索款公無力斡旋降任知縣最後以公務操勞費志以歿

韓恩合字海嵐蓋平熊岳人隸蒙古正黃旗公生資英異年二十六棄帖括業就行伍二十八補驍騎校由東邊中江一帶緝捕重案賊匪破獲無算旋補佐領歷勦朝陽東邊大股賊匪整頓奉天八關市政授錦州副都統在任三年歷授吉林及盛京將軍光緒

元年授墨爾根副都統巴彥州賊匪破城欽派公總統馬步兵往
勦在軍六年江南北一律肅清仍回原任光緒十二年卒於任所
公雅好詩書素精賞鑑尤善詩畫書法顏米所藏書畫甚精賞鑑
著牧笛聯吟塞月冷溪山秋晚各詩稿待梓長子咸奎字少嵐邑
諸生性豪爽精武術知兵歷居要職終以直見擯次子咸文字字運
卿邑諸生雅尚書畫薰之寫蘭善居積成氏梨園之名聞於東瀛
亦實業中之長材也

古尼音布字子心蓋平正藍旗人咸豐二年由生員改補記名驍
騎校陞錦州協領旋由協領薦陞副都統署吉林將軍轉陞杭州
將軍復改署福州將軍在任屢蒙嘉獎光緒十四年因老疾奏請

開缺回籍調養十五年在籍善終奉旨恩賜恤典賞祭銀一千兩
撰賜祭文公長於滿文尤通漢學錦縣人多以古六聖人呼之公
子祥集字雲舫貢生歷充要差記名補用江蘇道公長孫傅英麟
字玉堂歷署蓋復城守尉記名副都統次孫傅寶麟字文卿光緒
乙酉膳錄歷充各差改補直隸省直隸知州升用知府
金鵬展蓋平人清同治間歷充京營把總菜市口都司彰儀門遊
擊因京城當商被劫公挺身擒賊三名賞戴花翎旋署中營副將
後以足疾乞休

曲福綬字夢樓蓋平人咸豐丙辰入泮辛酉登賢書丁丑授南宮
由進士歷任廣西桂林府鎮邊永淳天樂懷遠各縣在任被調充

廣西壬午科鄉試六房同考試官因老疾由懷遠任上請假回籍
李煥新字銘軒蓋平人由貢生考取同治十一年漢教習補宗室
教習三年期滿以知縣指河南光緒五年十一月題補唐縣知縣
七年六月調補商水縣遞加知府銜在任候補直隸州十五年大
計卓異賞戴花翎二十七年捐陞道員卸商水縣事三十二年病
故金陵寓所公性平和在商水縣二十年與民間相處如家人父
子亦一時佳話也

李恩元字乾三銘軒公嗣子也光緒十三年遵海防例捐知縣是
年十一月籤掣廣東雷州府海唐縣十五年到任十八年四月丁
繼母艱服闋以原官指分江蘇旋保薦道員

秦福和字煦堂剛烈公之長子也由邑庠生襲騎都尉世職旋以
軍功保直隸州歷任廣東連州嘉應南雄等州居官數十年每以
廉俸餘資購書數十萬卷語人曰積金以遺子孫不如積書以遺
子孫公性好學所購諸書均親自披閱加丹黃焉迨民國成立致
仕回籍卒於家公生平最饒毅力先是剛烈公勦賊捐軀其中寬
抑有未獲上聞者公以書生走京師上書侃侃瀝陳轉達天聽其
英毅可見一斑矣繼嗣廩膳生錫光字實甫生員愛堂公之長子
也官安徽寧國知縣亦有政聲

秦福源字柳堂剛烈公之三子也光緒間以軍功保縣丞改捐知
縣歷任山東臨淄鉅野泗水鄒平等縣山東素稱盜藪所至以勦

賊為已任在任平拳匪辦教案往往不畏強禦東撫袁公世凱嘗稱之為強項令

丁文浚字心泉蓋平人由同治間舉人官知縣克紹書香公季子孝虎字肖泉光緒間舉人籤分四川知縣尤博雅多才善顏趙書法

陳保謙字華東號而光蓋平人以廩生出試光緒乙卯舉人壬辰進士甲午恩科補行殿試朝考三甲欽點內閣中書充差二年改歸知縣籤分山西截取班留省補光緒二十六年勦辦秦晉賑務一年回省奏保在任以直隸州知州用宣統三年春署理綏遠糧餉理事同知是年冬調署大同糧捕廳水利通判公悃愾無華生

平好學文章包孕豐富民國退歸林下不輕履城市云

馮果祥蓋平人由光緒間進士蒞任廣西貴縣知縣二年欽加潯州府直隸州

韓永泰字耀東蓋平人由拔貢生光緒間蒞任甘肅鞏昌西河知縣十年一時士民稱之

王桂林蓋平人由筆帖式光緒間蒞任山西太原府霍州知縣後陞沁州知州旋陞陝西汾水府知府

唐敬斌蓋平人光緒十二年充海龍城朝陽鎮驍騎校族弟敬恩光緒十三年充錦州松嶺防尉二公均善騎射鄉里稱之

王恩溥字言綽蓋平人由筆帖式光緒間以免補知縣蒞雲南省

順寧府知府八閱月未展其長旋致仕回籍

李慶芳又名文烈字佩寅蓋平人光緒間由密雲縣文庠生例捐知縣蒞任河南省南陽府舞陽縣知縣七年政聲卓著在任保加三品銜以知府用紳民生祠以祀之值鄰城大刀會起賊匪相約不入舞陽一步後提升信陽知州以商民挽留街巷皆滿公不忍去請旨開缺旋引見知府駸駸手儲為大用惜不永年未獲展其治績

秦瑞珍字拱宸蓋平人光緒庚寅恩科進士籤分甘肅即用知縣候補十餘年兩次充任同考試官歷署隴西隆德等縣旋補授平遠縣甘肅地瘠民貧回漢雜處自同治兵燹後尤荒涼滿目未易

施其政績公歷各任勸開墾興學校勤聽訟輕徭賦誅鋤賊匪融和漢回光緒二十一年在隴西縣任內正值回匪變亂首府周景曾計無所出公獨倡防守事宜竭力辦賊府城卒獲安全宣統三年在平遠任內鄰城均被土匪失守風聲鶴唳草木皆兵平遠甌脫之地尤惴惴朝不保夕一時同寅僉謂城不易守公獨憤惋籌措機宜俾得安堵事平調補平涼縣未就職民國元年請假回籍公四弟瑞恩字獻宸邑庠生性鯁介不幸早卒
孫金章字相宸蓋平人光緒二十八年邑庠生例捐知縣部銓河南汜水縣九月接篆即以除暴安良為己任在任年餘凡於民間有利害關係者每竭心力以赴之嘗自謂我腆然一官敢不竭材

力以負民生耶一時民多以孫青天呼之旋以丁外艱去官靈輻馳縣境數十里沿途百姓爭以熟水豆粥供夫役公之得民可知也迨三十三年服闋署河南孟津縣旋陞署彰德府知府及民國成立歷官商邱許昌各縣所至有政聲統計公以書生入官歷任政績均有可採享年不永是可惜也

金榮桂字子庚號伯衡蓋平人光緒間以邑庠生例捐知縣部銓山東蘭山縣宣統二年抵任數年歷官德縣所至有能名旋記名及代理道尹現任山東全省警察廳長公尚壯年天下事可為政績前途且方興未艾也

鄭錫綬字褒廷蓋平人由軍功升正黃旂驍騎校入內務府充差

旋保佐領掌管三旗圖記先是此缺概屬京員奏派本旗人掌管此事者惟公一人光緒二十六年俄人佔據省垣駐兵宮殿摧殘不堪公蒙奏明接收宮殿辦善後事宜並以係內務府旗人不敢坐視請報修配房百餘間不邀議敘亦仕宦中長材也

溫奎明字星五蓋平人以馬甲從軍旋遷金州校政蓋平防禦盛京翼長辦理復州斗秤捐務遞陞協領歷署蓋平遼陽開原等處城守尉民國二年吉林巡按使孟公電調襄理撫務辭不就遂家居烏公性儉約常以自食其力最後人子溫文署彰武縣事實舜等亦多任各差有克自樹立者

王鍾林字綬臣蓋平人少寒儉充縣署戶房書差光緒間經承任

滿例捐知縣部銓廣東石城縣由北京學治館畢業赴任有政聲
民國改元解組歸里子慶昌業儒

張著謙字敏夫蓋平人宣統元年以優貢朝考七品小京官分發
禮部民國成立入營口遼瀋道署充任財政科科員八年充任黑
龍江黑河稅捐局局長九年任江省財政廳科長

崔正峰字溪珊蓋平人父中環字玉堂業儒庭訓十一載由優附
生考職一等光緒三十三年籤分直隸試用巡檢入北洋法政專
門別科畢業獎給副榜歷充各差加三級儘先補用旋中宣統庚
戌科正七品法官分發吉林三年代理省城地方檢查廳檢查官
署理賓縣初級審判廳推事民國成立元年春交卸回籍

馮慶瀾字揚霆蓋平人光緒間拔貢生歷充西豐縣巡警總董黑
龍江省長公署諮議官子翰青字涵青宣統二年法官充吉林阿
什河地方審判分廳推事並代理廳長民國成立歷充奉天省城
初審廳監督推事山西省城地審廳推事高審分廳庭長及高審
廳推事

孫桂森字伯彥蓋平人宣統庚戌法官充山東煙台地審廳推事
三年卸任回籍

徐成璞又名維新字荆山蓋平人法政畢業歷充各差民國二年
充任安東地審廳民庭庭長旋投効海州陸軍充執法官保免考
縣知事

李德榮原名廷獻字向晨蓋平人奉天法政專門學校畢業民國六年蒙北洋高等法院委充直隸東光縣承審員九年回籍周長年字象山蓋平人光緒二十七年併科舉人揀選知縣分發廣西歷充各差未及蒞任民國成立回籍趙銘勳字蘊章居蓋平北京法政專門本科畢業歷充奉天法政學校教員北京大理院書記官

耆舊錄

秦漢以來吾邑隸中國版圖周孔教澤涵濡既久老成耆宿自不無碩果蒙泉藉以風勵後學乃由晉迄明簡冊無徵徒切山榛隰苓之慨茲僅就通志所載見聞所及與父老口道

以熟者序而列之發潛德之幽光緬典型於先正讀斯錄者庶幾有所觀感焉作者舊錄

王簡三國魏元菟郡人稱蓋時值令長熙為賊所殺簡負熙喪夜行致本州魏正元二年詔以簡忠節可嘉特拜為忠節都尉以旌異行

傅直蓋州衛人明萬曆間舉人學詣淵粹終身未仕開吾邑科甲之先

焦宗蓋州衛人明武科舉人弓矢嫻熟未竟其用同時見道李澍秦紀先三人與先生一致

韓文卿蓋平人雍正甲辰舉人庚戌進士授直隸正定府教授旋

以終身養望未肯仕進

韓文士蓋平人雍正丙午科舉人知縣銜家居讀書不樂仕進終身恬退自如

李永治蓋平人雍正己酉科舉人籤取知縣家食自甘事親教子淡於仕宦

唐朝璽蓋平人康熙戊午武舉為人恬靜雖當時習武科匪易而公獲之不以動其念亦未易事也

孫啟元蓋平人恩貢生官大城訓導後致仕以隱居讀書卒於家李萃品居蓋平恩貢生訓導銜未曾仕進澹泊自甘有李愿盤谷之風焉

張國紳蓋平人恩貢生官平安教諭數年後致仕歸田

邢強蓋平人恩貢訓導銜未仕以讀書終身

張憲蓋平人恩貢訓導銜終身隱居未仕

李偲居蓋平附貢訓導銜平生淡泊不樂仕進

韓璉蓋平人恩貢候選訓導限於境遇未能展其所學

梁生華蓋平人恩貢候選教職未登仕版

邢萬良蓋平人拔貢教諭銜藜藿自甘天懷淡如

李喬林蓋平人拔貢候選訓導後以家居未得展其抱負

江大中蓋平人副榜候選教諭事親教子卒以韋布終其身

袁珍蓋平人歲貢官直隸獻縣訓導旋以不合時宜未能展其所

長

吳鉉蓋平人歲貢官青縣訓導後經引退卒於家

劉鳳章蓋平人歲貢訓導銜未仕以讀書終其身

宋永昌蓋平人歲貢訓導銜未曾仕進

燕文麗蓋平人歲貢官直隸廣縣訓導旋以不樂仕進養親以終身焉

韓炎旭蓋平人歲貢訓導銜未嘗出仕

邢直蓋平人歲貢訓導銜平生以讀書自樂無仕宦之念

韓棟蓋平人歲貢訓導銜未嘗歷任

張琳蓋平人歲貢官青縣訓導旋回籍以讀書授徒卒於家

張國棟蓋平人歲貢官撫寧教諭嗣以不樂仕進歸里以著述抒其志焉

王國彥蓋平人歲貢官威縣訓導旋歸里門終身不談仕宦

燕文新蓋平人歲貢訓導銜未仕卒

薛羊蓋平人歲貢訓導銜未仕以讀書自樂

趙居正蓋平人歲貢官武強訓導數年乞休

歐秉鉉蓋平人歲貢訓導銜未仕卒

王鈺蓋平人歲貢候選訓導以隱居終於家

李仲蓋平人歲貢候選訓導未歷宦途

劉逢祥居蓋平歲貢候選訓導未仕終其身焉 以上俱係順治

康熙雍正乾隆嘉慶五朝諸前輩

巴從周蓋平人道光間進士即用知縣未能大用以耆宿卒於鄉
明安那姓郭氏名鶴雲字健霄蓋平人廂紅旗領催以軍功候補
驍騎校為人忠厚尚義氣公父敏兄弟四人分居有年而伯叔皆
困乏公分已產與之治家嚴而有法宗族無不感化凡婦女無門
前買花鈿者肩箱播鼓之人相戒不入其里公掌旗務二十餘年
每下鄉催收地米有貧不能輸者輒墊付之親友求助量力以周
其急至今鄉老每道其事亦古誼之可風也
王衷亮蓋平人道光間進士即用知縣抵省未久即回原籍以鄉
耆卒於家

繆翰儒字稚齋蓋平籍道光間由副榜中十六名經魁風雅多才
未獲仕進以家居終其身

傅肖夢蓋平人道光甲午舉人先生自領鄉薦回籍因事謁本縣
知縣遽遭白眼遂終身不入衙署亦未仕進

吳精一蓋平熊岳人道光間進士通籍第八名一時都下無異詞
未及用世亦可惜也

王丕承蓋平人道光甲午舉人揀選知縣咸豐元年公舉孝廉方
正癸丑大挑二等教諭

李楓林字曉江咸豐間進士歷官直隸平泉州旋解綬歸里
馬紹伯字輔堂蓋平人道光癸卯科優貢家境殷實歲捨粥衣居

家尚嚴子弟守庭訓無敢越凡邑宰初蒞任往謁之酬拜外不多
通往來子熙績優貢孫駿聲光緒間舉人例捐知縣籤分安徽民
國改元解組歸里

郭允慶字勤軒蓋平人性慷爽本邑康七之亂先生曾帶勇勦捕
邑人賴以安全者不少

王鳳遠字斯竹蓋平人咸豐丁卯舉人學問通達品行端方每自
外歸行近鄉里雖昏夜必下車步行以重桑梓里中遇有訟事輒
排解之婦孺見之皆肅然起敬其見重鄉里如此

于華春字天墀蓋平熊岳人歲貢生博洽多才能文章善詩畫尤
通音樂曾長辰州書院著有詩草行世洵一時名士也

姜興周字渭卿蓋平人咸豐間恩科舉人以誨學終其身著有養
拙齋撫然集各一卷餽貧糧兩卷待梓先生嗣子宗侃字叔瞻邑
庠生素稟庭訓克繼書香著有居敬堂讀書隨筆七卷讀書偶記
兩卷十三經源流四卷讀書錄總目一卷待梓

李旭初蓋平人同治間舉人家小康不慕仕宦喜農業深得桑者
閒閒之樂趣

李德培字玉軒蓋平人年弱冠始發憤為邑中名士後設教鄉里
弟子半成名以去

陳桂生字鄉林居蓋平父早卒遺腹生先生家亦貧母邵氏以紡
績度日先生六歲見鄰兒讀書心豔之歸與母太夫人商太夫人

以貧故難之先生泣不食塾師聞之憫其誠不取束脩太夫人夜績無刀焚膏先生燃香以照讀洎長由弟子員中光緒乙亥恩科舉人家仍貧舌耕海蓋兩邑遊其門者先後數百人掇青紫立功名者實不乏人著有蘊香齋詩文集待梓先生事孀母盡子道宗族鄉黨迄今猶稱之晚年以大挑知縣未仕卒

郝鸞翔字秀三蓋平人光緒十五年舉人能書畫性和平
光緒三十四年試辦地方自治期成會成立公舉先生為會長
門德興字五樓蓋平人歲貢生家頗豐厚遇人有困之或調濟之
福辨惜字紙會一時鄉賢之目庶幾其人子寶琦貢生有才具惜
早卒寶瑛京旂茂才為人幹練善治家亦正士也

丁漢章字會亭蓋平人光緒間舉人學問明通性情和易曾任復州儒學

崔崇齡字九峰蓋平人恩貢生家道殷實往往施衣食設義塾見人有善行則稱贊不去於口先生居近清河側每屆秋深水寒觀涉者之苦惻然於心爰出貲財修輿梁行人感其德因呼為善人橋同治初邑有流賊里人皆置槍械為先生衛四鄉名其里曰和美村厥後甲午庚子甲辰三大亂他鄉遭蹂躪殆遍獨先生之村居無恙僉謂善念所感云

王鳳年字桐階居蓋平邑庠生長於學問尤善詩賦著有百梅軒詩草待梓先生任德升字旭樓歲貢候選訓導文章書法頗不凡

庸在瀋水誦學廿餘年亦寒暖中不易多得者也

張景福字介眉蓋平人漢教習先生長於小試文字曾為辰州書院山長本邑建奎星樓先生之力居多

金毓魁字芝亭原名永科蓋平人咸豐間舉人學問淵博性行端慤主誦辰州書院所造就多知名士後以大挑一等知縣歸部銓選未蒞任而卒

孫繩武字念庭蓋平熊岳人咸豐辛酉拔貢宗室學漢教習引見以知縣用品學端正生平未嘗言人過深於易學著有讀易集解六卷待梓一生抱道不仕設教又循循善誘最奇者夜夢闔省泉州府書吏來迎履城隍任未旬日竟無疾卒於館舍聰明正直歿

則為神理或然歟

尹海觀字秀峰蓋平人邑諸生舉人王郁雲邑庠生呂賢恕李成林之業師也為人和藹平正學問深沉尤善引掖後進設塾三十餘年多所成就

沈慶颺字羹唐號菊邨蓋平人宣統元年由廩膳生中斯科優貢未及朝考卒於京師奉天會館先生雋秀多才能文章善書法尤長於詩歌與王兆林梅燮臣張敏夫王桐階羅子東及海縣趙蘭亭諸人更唱疊和極一時韻事每一藝出則不襲尋窠臼幼孤家赤貧奔走城鄉苦心孤詣博資奉老母甘旨曾充勸學所總董家甫小康名亦隆隆鵲起而天年不永名士多輒軒此語信然

孫聚奎蓋平人生平樸厚於甲午庚子之變曾率會勇捕匪與同鄉後起秦子言田永和等倡捐賑濟亦鄉耆中不克多得者也孫桂齡蓋平人世居邑城適丁甲午之亂遼南州縣相繼陷長吏居民多聞風遁先生每以未能效死薄之及城將破遂積薪繞居宅率全家為自焚計經人救免夫人及子歸仰藥死先生卒罵賊遇害一門殉節嗚呼烈矣子孝宗字咸亭己酉拔貢北京國立大學文科畢業文學士三等嘉禾章民國元年臨時參議院議員第二屆國會眾議院議員

高永慶字福庭蓋平人幼孤貧慷慨好施予里有貧不能葬者必竭力資助之有爭執不下者得先生言往往立解適賭風甚熾男

婦皇皇幾廢業先生曰賭不能斷俗且日偷遂決計禁賭一時賭匪聚百餘勢洶洶幾用武先生屹然不為動賭遂絕里人始復舊業比時又適有盜賊蜂起先生被推為練長鄰村突有騎馬賊百餘縛其執事去鄰商告急先生欲往家人力阻之慨然曰隣有急而不救於心何安矣遂隻身往賊竟尊稱之隣商得無恙自非先生之鄉望必不至此侯紹文字依堂蓋平人讀書有素光緒甲午之變敵軍陷蓋平會駐兵苑冢屯假其宅為行幕某大佐與聯歡盡得彼軍虛實時敵軍進攻遼海本縣以南留兵不滿千人因喜事機至秘致書清毅軍歷陳敵兵數及恢復大勢書為敵偵得被逮出書鞫問直認不

諱臨刑飲以酒問畏死否毅然曰丈夫為國死有何可畏叩馬書
生吾所深恥言畢遇害惜哉

孝義錄

孝義為人生大節風化攸關歐陽文忠修史列鄭遨等五人
為一傳盛推其高節至行以風示天下後世可見歷朝掌故
孝友立傳表至行抑亦勵末俗也吾邑係禹甸營州之地猶
有太古遺風孝子仁人挺生其間或足以振綱常而立人紀
用是旁搜紀載及鄉先輩傳誦嘖嘖者撫寔錄之其亦有聞
風興起者乎作孝義錄

文淵明蓋州衛人居父母喪哀毀盡禮先後廬墓六年仕至陳州
知州高陵呂枏銘其墓

周顯時明蓋州衛人父愛幼子臨終以三千金私予之及卒顯時

廬墓三年終身篤友于之誼若弗知予金事者後仕至總兵黃瓚蓋平人拔貢生性至孝事父母肫摯有非尋常所可及者吾邑節孝祠寢然居中者孝子一人也

孟廣名蓋平人母素多病孝子親侍湯藥母逝世孝子晝侍父側夜伴父眠父年老患喘孝子憂之枕席皆淚痕父召則拭淚而前恐父傷心也父歿築室墓側庚子之亂居民皆遠避孝子守墓不去俄兵聞知之咸加敬禮亂平奉天將軍據事實奏聞得旨旌如例由縣發帑銀建坊孝子曰吾幼時不俟呼飢父母食我不俟呼寒父母衣我吾年稍長即送吾入塾讀書粗明道理吾今日由商而致小康得以齒於人類者皆父母賜也人子守墓分內事耳何

足耀鄉里今若建坊大違吾意幸勿為之因是坊未建士紳秦愛堂等稟請地方長官送匾額曰孺慕終身

沈德型字儀堂蓋平人廩膳生家貧父早卒事母性至孝先是妻王氏以言語忤母孝子出之繼娶李氏孝子竭力承歡奉甘旨不懈後母老病盲且癡起居飲食孝子益親侍之不敢怠母衣垢必親為澣濯不使入妻手恐因厭或忤親也母因癡故以溲溺墮屋壁孝子略無難色笑為拂除之他人入此室皆掩鼻思遁孝子晝則扶持夜則伴眠十餘年如一日後以疾先母卒士林惜之沈德功蓋平人世業農事母極孝凡飲食衣服必親問視之終歲必夜焚香為母求壽值己之生辰則絕食經日面有戚容或至淚

下人問之曰兒之生日母之苦日也孝子年九旬餘每值誕日行之不倦

傅廣盛蓋平人家業農母九旬有七孝子年七旬餘問寢視膳無稍懈時作嬰兒戲以博母歡論者謂有萊子風云

郭永成世居蓋平幼業農父舞雲早世母金氏年老齒衰孝子事之每食肉或不能下咽吐之几上孝子必取嘗之曰肉未爛乎與母同榻眠暑夏為驅蚊蠅冬寒則溫衾枕日間雖操作亟忙必不時歸省人問之曰吾想吾親耳且每出遇鄉鄰瑣屑事及兒童小作劇必歸家喁喁告之時或肖其狀以博親歡孝子素病暈輒私祝於神祈後於母死母年九十九卒孝子年七十七卒

王珪字弓溪蓋平人歲貢生父早卒孝子奉母愉色婉容晨昏無稍懈母適隣家操杖隨其後母性好遊孝子每負之行賞玩山水倦則負之歸母或不愉孝子為演古今小說以快其意其家居講學必以孝友為政之義諄諄告門人云

曲耆齡字儀堂蓋平人世業儒父樂天卒孝子偕其弟甲齡字肖天寢苦枕塊守墓三年不茹葷不入內室兄弟競爽未俗澆漓之世亦不可多得也

秦錫霖字雨氏蓋平人剛烈公之裔孫附生秦愛堂之第六子也業儒生母病篤孝子割股煎藥進痛楚不形於色人鮮知之及劇劇有詢之者以跌傷漫應其孝出至誠可以風矣

姜錫貢字春堂蓋平人幼業農中年充縣役為人無他長惟天性最孝母病痿數年孝子累於貧每服役事畢必歸家侍奉不輕假手家人但得暇則咫尺不離也無何其父又染瘋疾動作無人理孝子則委曲周旋不改常度迨庚子拳匪之亂親病不能行孝子置肩輿一命子侄舁之以避亂厥後雙親歿孝子則守喪哭墓純出至誠夫孝之一字求之於士夫且難求之於庸俗當尤難乎其難孝子以一隸卒獨能如此豈易事哉

任秉奎蓋平人事母孝母病故伏柩旁不寢食者五日及母葬後三顧母於墳者百日雖祁寒酷暑不忘也

節烈錄

間嘗讀近世新學說往往謂嫠婦守節有碍於家族社會進步不知大節昭垂炳如星日實吾華文明之先河也吾鄉負冀北剛烈之氣鍾於男子者亦復鍾於婦女長城殉夫潯陽唱曲剛柔之氣習判焉矣收輯及之亦表章風化之燒點歟

作節烈錄

高判妻潘氏明季入夫故無子氏年十九以紡織自養守節三十五年嘉靖間旌表

王命召妻滕氏蓋平城守漢軍滕天成姊也氏于歸未期會夫從征粵東後自京移家往氏抵粵甫五日夫病卒乃號泣自縊

武生江漢英妻張氏夫病故遺子未週歲氏奉孀姑撫弱息苦守四十七年孝慈無憾清雍正二年旌表入本城節孝祠
耿端妻王氏夫亡守節上事舅姑下撫遺孤三十餘年如一日清乾隆四年旌表入本城節孝祠

韓勛妻趙氏年十八夫死矢志守節事老撫幼三十餘年備極艱苦乾隆十一年旌表入本城節孝祠

趙廷瑚妻田氏夫亡一子甫五齡翁姑年逾六旬氏克盡孝養教子成名苦節四十餘年乾隆二十七年旌表入本城節孝祠

貞女韓氏李天用未婚妻天用卒氏隨母往弔遂留事翁姑克盡婦道撫養繼子至於成立苦節三十餘年乾隆二十七年旌表入

本城節孝祠

黃壽太妻楊氏苦節一生嘉慶十一年旌表

太學生李逢春妻王氏以淑女出嫁詩禮之家居恒謹守婦道不幸夫死勵志三十餘年嘉慶間旌表入本城節孝祠

書布通阿妻楊氏幼年矢志道光七年旌表

孔德亮妻劉氏夫亡守節道光七年旌表

李延清妻黃氏于歸二年而孀一生苦節道光九年旌表

馬玉麟妻高氏優貢候選知縣馬紹伯母青年守節歷十七年夫弟始生子繼之為嗣教之成名道光十四年旌表

張永富妻鄭氏年二十七守志四十餘載如一日道光十四年冬

旌表

范景榮妻李氏國學生范仲舒之母年二十四歲夫亡而子且早世媳又孤孀艱苦極矣年八旬餘卒道光十四年旌表

張永遠妻羅氏青年夫死守志靡他道光十六年旌表

郭璟妻李氏夫故守節道光二十年旌表

貞女沈氏郭栢舟子未婚妻也郭子十三歲夭亡氏未于歸聞夫死竟適郭門守節二十餘年道光二十一年旌表並立碑碣

關五十八妻任氏家貧苦守道光十七年旌表

衣勒達蒙阿妻趙氏夫亡苦守道光二十三年旌表

張廷魁妻張氏守節終身道光二十四年旌表

黃邦銘妻張氏夫故守節道光二十四年旌表

王士全妻汪氏十九歲于歸二十三歲守節道光二十四年旌表

清例贈文林郎鄒經邦妻王孺人江南安義縣知縣鄒英母年甫三十即值夫死常自矢詩禮之家應以清白勵志對先人於地下道光二十六年旌表入本邑節孝祠

范正禮妻惠氏苦節一生道光二十七年旌表

烈婦韓熙敬繼室王氏名閨青于歸年餘夫死送殯歸竟甘心殉夫仰藥死年二十七歲士紳咸運卿等為之募貲立碑拍照一時士夫婦女來觀光者不下數百人

賈士明妻崔氏家貧守節道光二十九年旌表

劉瑄妻張氏年二十于歸三年夫死遺孤僅百日不數年翁歿姑中瘋疾氏節孝兼盡道光三十一年旌表

劉寬妻潘氏年二十九歲守節道光間旌表

蔣廷文妻楊氏青年夫歿守節不移道光間旌表

李福欽妻李氏于歸三年夫死守節咸豐元年旌表

吾凌阿妻劉氏年十六于歸二載夫死守節咸豐二年旌表

李永傑妻潘氏于歸三載夫死氏孝養兼全咸豐七年旌表

徐成泰妻李氏夫故守志終身同治元年旌表

劉尚賢妻孺人楊氏年二十八守節事親教子均無愧色壽九十六卒同治元年旌表

布維繼妻桑氏年二十五歲守節同治七年旌表

杜守信妻張氏夫死終身節孝同治七年旌表

張永海妻李氏青年夫亡無子守節同治十二年旌表

烈女車韓氏蒙古塔哈布長女奉天將軍恩合之女弟也受車姓聘婚年十五夫死女聞訃立奔喪家人要遮之不聽夜分乘間逃潛至草園自經死顏色宛如生車聞之具棺衾與夫合葬焉同治間旌表士林為之立傳待梓

羅忠之妻蔣氏年二十餘夫沒矢志守節撫遺腹子進章成立比潔冰霜始終一致光緒初年旌表

陶榮桂母金氏年十九于歸僅七閱月夫死遺腹生榮桂苦節終

身光緒六年旌表

陶全祥妻門氏于歸後氏夫出連鎮兵陣亡守節不渝光緒十年旌表

金魁妻馬氏年十六于歸夫死守節至七十七無疾壽終光緒十一年旌表

陳怡清妻邵氏夫早世氏事孀姑三十餘載苦節五十年来如一日教子桂生讀以紡績佐燈火於光緒元年桂生登鄉榜為邑中名士光緒十一年旌表

郭振興妻李氏年二十六夫死守志繼兄次子承祧僉謂古井高風洵無愧色光緒十三年旌表

唐泉西妻李氏二十一歲于歸七載夫死守節光緒十六年旌表

郭守萃妻梁氏年二十六夫死守節光緒八年旌表

郭守廉妻佟氏夫歿守節光緒十六年旌表

李恩來妻門氏青年守節光緒十九年旌表

郭福來妻李氏夫故矢志冰霜終身不移光緒二十年旌表

程熙朝妻韓氏年十九守節貞烈可風光緒二十二年旌表

李元福妻申氏二十四歲夫亡守節光緒二十七年旌表

劉慶恩妻金氏十九歲守節鄉里榮之光緒三十年旌表
燕全之母劉氏邑北燕山口人夫被罪死囹圄氏年二十五歲撫幼女勵節彌堅後繼兄伯子全為嗣光緒三十一年旌表

烈女徐單氏單文傑之女幼字農人子徐鴻飛光緒十三年徐以疫死女聞訃欲奔喪父母兄嫂羣阻之女啜泣不食父不得已約日送歸徐未幾女兄嫂唆使更聘他姓女意覺仰藥卒舉人陳郁林為之立傳舉人王兆林優貢沈羹唐等於三十一年為之請旌沈君復建碑於七盤嶺及滴塔寺鐫王兆林王桐階羅燮臣張敏夫郭蔭軒諸詩歌及羹唐所題碑文顏之曰單烈女碑

劉文瀾妻原氏于歸後其夫即疫死氏苦守終身光緒三十一年旌表

馬駿龍妻滕氏年十九于歸二載夫亡氏節孝兼盡光緒三十二年旌表

薛李氏年二十四守節光緒三十三年旌表咸串為送匾額顏之曰節孝咸欽

馮青雲妻劉氏城南靠河寨人年二十三歲夫病沒氏矢志靡他事舅姑二十六年克盡孝敬撫遺孤成立光緒三十三年旌表

處士丁國相妻劉氏靠河寨人年二十四歲夫卒氏事翁姑撫孤子冰霜礪節數十年如一日光緒三十三年旌表

周洪業妻李氏城東南七道河人年二十九歲夫歿有子克讓服賈積勞亦故繼世無孫氏零丁孤苦就養族侄立岐家愈堅貞節光緒三十三年旌表

周洪豐妻李氏七道河人年二十八歲夫故無子撫立岐為嗣心

同金石始終無間光緒三十三年旌表

李萬年妻趙氏邑東南二道河人二十九歲夫病故僅遺二女衣食闕如服事衰翁雖恒不舉火氏百計為之具餐且每進以甘旨食餘更留再進年六十九歲猶力采薪躬耕以自存光緒三十三年旌表

沙鵬妻呂氏夫早亡氏守孀事親撫孤一生勤苦嘗云勤可積富儉可積德一時稱為名言光緒三十四年旌表

楊文舉妻張氏夫死終身苦守光緒間旌表

李聲崇妻崔氏八旂妾官李建川之母也年甫二十夫死守節繼建川為子撫如己出光緒間旌表

李建良妻閔氏于歸十八日夫隨翁赴塞北訖未歸家氏紡績度日或就食母家矢志終身宣統二年請旌旋因改建民國事遂寢烈婦馬氏儒醫盧萬全字甫廷妻也夫中年病故氏哭之痛祝曰先生請緩行家人莫之省翌日乘間裝飾畢仰藥就榻及家人視之已殉夫死矣亦烈矣哉厥後戚友為之請旌適時局變遷事未果此宣統三年事也

李永年妻趙氏夫亡家貧甚又無子事翁數年厥後孑然一身節操愈勵民國元年褒揚

唐玉川妻高氏于歸僅一年夫死無子孑然一身苦節度日民國五年旌表士紳崔溪珊為之撰文

士人崔明哲妻許氏年十九子歸二年夫死無子矢志守孀侍奉翁姑三十餘年不渝其志民國九年同族擬請褒揚

徐成泰妻李氏青年夫亡矢志不嫁終身不渝入本城節孝祠

韓塾妻李氏夫死守節終身入本城節孝祠

張堦妻王氏幼年夫死苦守一生入本城節孝祠

孫延年妻王氏夫死父母欲奪其志氏矢志不嫁事親撫子苦節終身入本城節孝祠

石灝妻張氏年未三十夫死矢志不嫁孀侍門戶形影隻單數十年如一日入本城節孝祠

滕文煥妻崔氏青年夫歿即對家人誓志自謂守志不終非女子

也入本城節孝祠

清例贈修職郎劉朝寵妻鍾氏早年守孀雖家道小康而氏之門戶凜然終身以禮節自持有伯姬不下堂階之風入本城節孝祠
張連昇妻曹氏幼年矢志家計且貧然平生以禮法自持雖屢遭困頓無異志也入本城節孝祠

魏蘭妻高氏蚤年守志終身無異詞入本城節孝祠

于龍妻戰氏夫死最早年二十餘即苦守冰霜父母雖欲奪之而其志節凜然不渝入本城節孝祠

孫善妻于氏夫死不嫁節孝終身入本城節孝祠

劉文瀾妻原氏守節最早家又赤貧然支持門戶猶能奉侍老親

入本城節孝祠

韓滂妻滕氏年未三十即遭夫死之變隻身守節雖困苦多年處之晏如入本城節孝祠

王世全妻王氏夫死家貧守孀終身雖屢遭困苦迄無異志入本城節孝祠

戰文德妻趙氏年甫逾二十適夫病故即同老親矢志不嫁終身無異志入本城節孝祠

黃中謙妻楊氏年未三十夫死守志事親教子屢逢困境毫無異詞入本城節孝祠

王寧九妻仲氏係仲家買女仲家中落貧奩資聘於寧九寧九老

且貧氏針黹度日養夫數年寧九卒苦節以終

陳家玖妻蔡氏青年夫死生三子俱早卒長子錫福妻龐氏次子錫祿妻劉氏三子錫純妻侯氏均苦勵冰霜歷四十餘年鄉里咸稱為一門四節孝云

王寬誠妻汪氏夫早世奉翁姑撫孤子艱苦備嘗中年子且亡無孫氏獨井臼親操年七十餘卒

李應甲妻王氏貢生李正茂之母年三十夫亡遺腹生茂上事孀姑下撫孤子備極艱苦以節終

李逢妻劉氏夫早亡三子皆幼族中無賴每向凌虐氏攜三幼子避於戚屬傭工子成立始復舊居其村人皆呼為新搬李年六旬

以節終氏季子本旺妻孫氏亦青年守節遺三子均幼承氏家風
撫子成人七旬有五卒

烈女呂王氏王榮女年十四為呂養媳翁姑均不仁屢誘惡少逼
污之氏堅志不從撻辱幾無完膚既復置酒相嬉氏以計出投井
死尸不腐亦不集一蠅士林為之立傳待梓

烈女張王氏張時澤未婚妻也張業農未冠遠出久無音耗女方
及笄即立志守節既而女兄憐其青年欲更聘之女遂剪髮自誓
不食而死

劉文惠妻苑氏于歸僅五閱月夫死姑媳零丁別無親族氏矢志
守節事姑繼子宗祧不墜鄉里賢之

呂光賢妻唐氏年十九歸呂一年夫卒生遺腹子殿升事翁姑撫
遺子克勤克儉卒致小康

范鴻聲妻張氏張恩奎之女歸范四載夫死遺子週歲上事翁姑
下撫孤子守節五十餘年

王錫臣妻盧氏于歸五年夫死父母欲奪其志不從苦志守節終
身

王福元妻孫氏于歸二年夫死中年繼子家貧苦守鄉里咸稱烏
孟昭珍妻姚氏年十九于歸二年夫死生遺腹女一家貧茹苦守
志不渝人咸賢之

蔣福漢妻張氏年二十于歸五年夫故去矢志守節曾受旌表

侯清秀妻劉氏年二十于歸二年夫死守節旌表

李永萬妻李氏于歸三年守節旌表

李聲義妻門氏于歸六閱月夫死繼子守節旌表

李建辰妻張氏張恩奎之女學務委員李洗久之母也于歸七年夫死姑老子幼氏操持終身卒致小康年四十四卒

楊德雙妻徐氏十九歲于歸二十而孀紡績度日養姑十餘年值甲午之亂聞日兵至恐或辱身乃服鹽酒而死比時已過繼堂伯子為子姑死有託矣節烈不虧未獲請旌惜哉

王金印妻溫氏年二十三歲于歸二十九日夫死無子守節終身如一日民國八年繼子王振國呈請獲旌

姚廷桂妻李氏青年守節七十一歲卒終身孤苦甘之如飴殆不克多見也

錢肇封妻耿氏年二十九守孀家赤貧以針黹作苦奉老親撫孤子成人其胞兄憫其貧屢勸之再醮氏因毀一目以自矢洵閨閫不易得也

梁景合妻年二十一于歸梁四十餘歲未幾夫死氏竟殉節死誠無愧烈婦也

趙振邦妻王氏年甫三十夫五十餘歲病故氏竟仰藥殉夫亦烈婦也

陳學曾妻李氏年二十五歲夫故遺孤僅二齡氏躬操井臼孝事

翁姑未幾遺孤又夫去氏乃繼夫兄子為己子教之成人鄉里僉稱焉

田忠仁妻劉氏于歸次年夫故無子苦守鄉里頌之

關他爾巴吉妻劉氏夫亡撫孤守志終身不渝前清旌表

孟昭瑄妻李氏年二十二夫早世紡績度日卒撫遺孤至於成人苦節五十餘年

伯東阿妻石氏年二十二于歸未及百日夫棄世氏以針黹度日守志六十餘年以苦節著

孟昭琮妻張氏二十二歲無子守節六十餘年鄉里榮之
馬德全妻樂氏夫死矢志不貳繼兄子為嗣人咸賢之

宋萬湧妻梁氏年十七夫患瘵不起氏于歸才月餘嘗焚香告天願以身代及夫死氏絕而復蘇者再卒能守志不渝事翁姑撫繼子雖古烈婦何以加焉

侯廷顯妻張氏年二十一歲于歸未數月夫死後生遺腹子振耀家赤貧氏織席事親迄今三十餘年鄉里咸以節孝稱焉

孫柱齡妻王氏本邑處士王浩女也幼嫻禮訓事舅姑以孝聞撫季弟遺孤四如己出教養兼至邑人義之中東甲午之役寇逼邑城家人欲相與去而氏毅然不為動事急同長子婦胡氏仰藥以殉後經呈請旌表一門雙烈准予建坊

孔繼禹妻張氏歸州人夫早病沒矢志勵節事姑盡孝撫遺孤成

立操持家務不遺餘力子廣鉞字鼎臣習商業前充本城商會總理為人恂謹持重恪守本分皆母訓力也

佾生李錫祜妻叢氏年二十四夫病故礪節矢志孝事翁姑撫繼子成立始終一致

邑庠生翟維藩字鎮遠繼室李氏恩貢黥生之三女年二十五歲夫沒奉翁姑喪葬盡禮撫遺孤緒興成立矢節彌堅數十年如一

日
薛王氏邑東薛家屯薛萬仁之妻年二十五于歸甫三年夫病無子氏許以身代卒無效氏家貧年二十七出為傭博資以奉翁姑甲午翁避兵桓仁歸至奉天病歿氏歸其葬比時孀姑貧甚而氏

之父母夫兄之弱息又皆煢煢無所歸舉凡養之葬之嫁之千瘡百孔皆氏一人任其責嗚呼傭役數十年卒以節孝終其身如氏者可無愧矣

孝婦薛張氏邑東薛家屯薛萬春之妻夫常遊塞外不返翁姑嚴繼姑尤嚴氏甘受撻楚終身孝敬無異致中年後無子其夫納送室無所出氏年逾四十忽舉一子名貴喬卒至鬢髮蒼蒼猶侍奉便溺承順繼姑不少衰厥後貴喬成立事孝婦尤謹僉以為孝德之報云

范連貴滴塔嘴人妻隋氏年二十三于歸二年夫亡撫育遺孤保護教導至於成立年七十七卒


世襲雲騎尉托克歡妻王氏士人王茂之四女諸生王桐階之胞
妹也性最孝能詩夫犯罪發軍台氏歸母家以訓蒙餬口迨夫死
聞訃作絕命詩數首以明志翌晨慰籍母者再四遂向北再拜自
盡於後園桃花樹下其絕命詩云讀史爭誇女孟姜千秋殉節姓
名香儂今也要投環去一任他人論短長投環原不累雙親一洗
浮生淨孽塵何事人間難了恨甘心再作未亡人蠻煙瘴雨客長
征欲解離懷不勝情應是夜台岑寂甚趾離招引在三更
李東泉妻李氏年二十一于歸二十四夫死逾半載舉一子俗
曰夢生家赤貧氏為人傭工撫之讀書成人

蓋平縣志卷之下

人類

蓋平僻處遠東南隅且又山海相望島嶼林鬱之交雖經歷代洪
劫而民種之留遺於茲土者最易繁夥故自三代秦漢已來除民
放外累世所遺如靺鞨靺鞨等種戶口實子孫入冊茲志祖已無
從秘故其餘若朝鮮若且驪若遼金及元明北畧家之伯莽前清
之巴爾虎漢軍居民屬雜種類繁多人類之不一較之他省他縣
寔不無普通特別之分今即史冊及戶籍之可攷者加意調查有
左記之數種

一民族約占十分之五



- 一漢軍約占十分之三
- 二滿族約占十分之一七
- 三蒙古約占十分之一三
- 四西伯約占十分之一三
- 五回民約占十分之一五
- 六高麗遺民約占十分之一二
- 七巴爾虎約占十分之一一

戶口

按從前舊志民籍人丁共二千九百十八丁征銀四百三十七兩七錢加一毫羨銀四十三兩七錢七分俗云一丁可當百戶既不
能徵寔而旗人戶口均載八旗冊檔又散佚無存今自戶籍之例
興而編查之事專責之巡警於是戶口實數編入冊籍如數家珍
較之前清民戶編審徒屬虛文旗戶三年一比男女小口或多闕
遺從此戶口之數一覽無餘俾操政柄者或恍然於生齒盛衰之
數從政治之進行警察治內之功戶口其一端也今除本境客民
及釋道外共查得戶口實數分晰列表如左

戶數	七十八百六千三萬七
男數	四十四百一千三萬四千二
女數	四十三百八千六萬九千
男女總數	四十七百九千九萬三千四

田賦

本縣自清康熙二十二年由賦額數始著於冊故民人始有冊地查自雍正十年至乾隆三十六年由本縣撥歸岫邑遼東岫石二社共地三萬四千九百零五畝二分三厘外并原額新增其餘民冊地十一萬七千一百零九畝三分五厘五毫每畝歲徵銀三分康熙三十二年每畝改徵米三升有奇至乾隆四十六年分上中下三則銀米折中各半徵收共徵米二千八百五十九石五斗九升三合七勺徵銀一千二百二十九兩六錢四分八厘民餘地民私墾者為餘地至乾隆四十五年除撥歸岫邑二萬零五百零四畝六分下餘一萬三千四百零四畝七分每畝徵銀七分共徵銀

九百三十八兩二錢二分九厘旗冊地四十五萬一千一百十一畝五分每畝歲徵米一升五合及二升三合不等紳米一升五合兵米二升三合旗餘地二萬三千三百五畝六分每畝歲徵東錢八十五文升科地二萬五千二百畝零零四分每畝歲徵東錢與餘地同伍田地二千八百八十八畝不分等則每畝歲徵銀四分隨缺地二萬五千零四十四畝歸八旗兵等領種不納課賦係寓兵於農之意自茲以往旗民冊餘等地隨墾隨報漸有增加迨民國成立統一田賦九旗冊餘地升科賦稅均歸縣署完納又將向歸岫邑遠來岫岩二社民冊餘地撥回本邑至民國五年並丈放王公內務府莊田及八旗隨缺伍田等地歸戶承領於民國三

年將以上諸項田畝統分上中下三則俱按洋徵收一變從前徵米之制茲據最近冊籍將所有田賦分項列表如左

上則田數	十七萬七千七百八十畝零四厘三毫一絲
中則田數	五十七萬零七百九十五畝六分六厘
下則田數	十一萬九千三百五十三畝七分八厘一毫六絲
上則賦數	以合大洋二萬七千三百七十八元一角八分六厘三毫七絲四忽
中則賦數	以合大洋六萬二千七百八十七元五角二分二厘六毫
下則賦數	以合大洋七千八百七十七元三角四分九厘五毫八絲五忽六微
減則田數	三萬八千七百六十五畝零一厘一毫三絲
減則賦數	以合大洋一千二百七十九元二角四分五厘三毫七絲二忽四微

學田山場數

原舊地九百十四畝五分

學田山場賦數上節合大洋一百元零零五角九分五厘

後增山場

及地數收捐處有冊可查

按舊志載原舊民冊地除撥岫岩納糧地外共有十一萬六千七百零二畝五厘一半征銀共征銀一千四百五十八兩七錢七分五厘加一毫羨銀一百四十五兩八錢七分七厘一半征米共征米二千八百四十九石六斗四升八合二勺又原舊民餘地共五萬零九百四十二畝八分二厘上等餘地一百六十五畝二分四厘上等加賦餘地三百八十七畝七分民首報餘地二千餘畝民續報餘地一千五百九十三畝一分又學田地一千畝養孤寡地

七十二畝旗地共七萬四千五百零十八日

附蓋平縣地方存儲公有款項列後

蓋守本心誌法名下本洋二萬一千六百餘元除存收捐處外餘將公置產業列下

東街市房 買價四千五百元

南街市房 買價一千二百五十元

南街市房 買價二千三百元

南甕園市房買價八百元

常家園子地十日買價洋四千五百元

蔡家屯地三日買價洋一千零七十元

警五厘備荒共存小洋一萬元有奇

雜稅

雜稅一項自前清設城守尉始由該署徵收惟時不過牲畜牙行鋪戶行戶等稅咸豐間初設釐稅同治間初立牛馬稅厥後名目漸多捐稅日繁光緒三十二年旋改釐稅行統捐一稅之法概不重徵然行之積久究不免弊實叢生即如車舖木植有捐雜料有捐製成輪輿又有捐又如本境所出之繭有捐絲有捐織成紬料亦有捐往往一物而三稅矣嗣後稍為變通僅收原料稅以恤工藝均按本抽稅如土貨外售值百抽五若當地銷售再加銷場稅每值百抽二官民使之惟貨物由外埠輸入點費巧於混冒以期

免稅漏卮之弊亦不可不預防也茲將各項捐稅并稅率分晰列記於左表

名目	全年收數	稅率
出產稅	一四、四七六	內分出產糧貨二項糧值百抽一貨值百抽一五
豆稅	七、七一五	元豆青豆合豆值百抽三其小豆青豆非油糧者照出產糧徵收
銷場稅	二、九四五	凡係外來雜貨均按值百抽二
菸稅	九、六七三	菸葉菸絲每百斤抽大洋一元六角菸捲每萬支抽大洋一元六角
酒稅	八、九七	燒酒每百斤抽大洋一元六角元酒減半
繭絲稅	二、六六〇四	按價值百抽一五
牲畜稅	二、一、二二一	牛馬驢值百抽五驢減半 猪值百抽二羊每支抽大洋五分

銷場木稅	三四五	按價值百抽二
屠獸捐	九八九八	豕一捐洋一元三角二羊一捐洋四角七分牛一捐洋二元二角分驢一捐洋一元二分
車牌捐	七五〇〇	三套牌每夜三元四套牌每片收四元轎車每片收二元
警捐	九〇七七〇	內有款捐壹萬四千九百十元雜捐一萬五千八百五十元
學捐	九一七〇	內款捐七萬四千九百十元雜捐一萬六千二百五十元
自治捐	二四九六七	每日地全年約捐二角
保甲捐	一六四八六	每日地全年約捐一角
婚書捐	九〇〇	中則每份二元四角次則每份一元二角
印花稅	三六八四五	各項帖用數目不及備載

說明

表列各數千位加點以元為斷

風俗

風俗之醇漓視教化為轉移古者太史陳詩以觀民風蓋以國家治忽世運升降胥於風俗繫之吾邑係古辰韓渤海之境風俗不無異同後漢書載辰韓知蠶桑嫁娶以禮行者讓路文獻通考謂渤海知書契習識古今制度前清以來化起豐鎬民氣勇健男務耕耘女勤紡績厥後文風既振曠土日開通志所載此語信然迄今民國成立日競文明而閭閻猶存勤樸之風焉

氏族

境內氏族自金元以降閩世家已荒遠難稽其可考者除孔孟聖裔及先賢後裔外惟李唐明清三朝名儒勳臣之後今雖半就

陵表而椒聊繁衍共識為大族之子孫焉茲據其族譜可查者分列於後

前清鑲白旗李氏明通議大夫李彥明後裔今其子孫猶有一千餘戶

城北韓家屯韓氏係韓文公後裔計一百六十餘戶村中有韓文公祠堂在焉

城北趙氏滿洲人始祖扈什爾壯達隨清太祖征伐有功世襲雲騎尉今已衰落

暖泉羅氏明遠東指揮使羅鈇後裔世有顯者

卡氏清初封鎮國將軍今其子孫無從查考

閻氏清初隨太祖歷有戰功封懷遠將軍今其子孫無從查考

耿氏清初隨征有功封懷王今其子孫在境內者無可考稽

城東北沈氏清初封公爵迄今尚稱望族即續順公後裔也

熊岳恩氏本姓韓蒙古人清初駐防岳城同治間有恩合者官至盛京將軍至今傳十一代子孫尚有學者

熊岳古氏滿洲人本姓傅清初駐防岳城世有顯宦光緒間有古尼音布者官至福州將軍至今傳十二代

歸州焦氏清湖北兵備道焦和生後裔子孫多儒業

景家屯秦氏清剛烈公秦聚奎後裔子孫間有達者

萬福庄姚氏清江蘇按察使姚熊飛後裔今已漸就凌替

宗教

佛教 一曰釋教以去階級倡平等為我與應驗自由之學說頗相吻合最適於今日民國政體本城山東會館之天后宮山西會館之關帝廟興隆寺崇教寺三官廟上帝廟觀音閣財神廟住持僧十餘人又有地藏庵道林寺尼僧五六人其餘散居境內各寺院住持僧一百餘人廟名不及備載惟邑東石佛寺僧正禪恪守規戒恢復廟產尤難能者其父母年老迎養寺中是釋而儒者也沈菊村生時每嘖嘖稱之

道教 一曰闡教以清淨無為為宗旨城內之城隍廟福建會館三江會館南關之碧霞宮奉香火者十餘人惟東南赤山龍潭

寺地稱名勝住持道數人其餘庵觀道侶寥落若晨星其上者朝夕諷經其次則耕樵自給約共百人之譜此外尚有火居道人名曰道丁皆有家室境內約有十餘家

回教 一曰天方教以識主敬事歸根復命為宗旨本邑西南隅有清真寺一設有清真學校教其子弟全境若熊岳若湯池若萬福庄等處約有一百八十餘戶

天主教 一曰舊教創自基督其教以天為主城区內設有天主教堂一城東南羅家哨西荒地楊木林子等村皆設有天主教堂全境教民約二千餘人

耶穌教 一曰新教創自耶穌與天主教同而宗旨微異城內

有耶穌教堂設有女小學校全境奉教之民二百餘人較天主教為少

附僊釋二則

黃花老人不知所從來明天順中居蓋州西南山寺修煉數十年一旦乘鶴飛去後人因名其地曰伴仙山寺曰鶴陽寺

連姓僧蓋平人明成化間百歲不計饑飽每與群兒戲於市歲大旱祈雨輒應

方伎

漢司馬遷作史記列方伎傳凡精於醫藥日星龜著之術者罔弗載之後世史家沿以為例遠東方伎自後漢殷道至前清綽爾濟

僅十數人而吾邑自宋炳奎畫蠅曹先生畫猴稱為一時妙手然其事蹟不傳厥後絕少名家茲僅就片長可稱者十餘人錄其事亦小道可觀之意也

于華春字天墀蓋平熊岳人歲貢生善畫成一家法所畫人物歌仄偃仰皆醉態一筆揮洒無點睛者王績詩云眼看人盡醉何忍獨為醒先生諷世之意適流露於翰墨間然不輕為人畫故得之者珍同拱壁焉

沈榮春蓋平城北人讀書之暇幅巾林下善畫山水不事色澤晚境尤平淡入妙論者謂得雲林之秘云

翁殿卿蓋平城南人少習拳技作標行生理清成豐間邑宰劉公

汝新任滿回京殿卿保送眷口至錦西要隘縱騎前行盜二十人
由後面刺斜而來橫劫車仗殿卿出不意中彈落馬馬逸追及之
騰身躍上抽刀近身殺賊賊鳥銃齊鳴殿卿執白蠟桿子長文餘
揮如龍蛇舞掃彈丸點點落地下賊大駭逸去

郭永齡字錫九蓋平城東人善畫竹魚人有求畫者必載酒造訪
暢談稼穡事興至則為之潑墨一揮而就所畫竹石人方之鄭板
橋云

侯和之號東谷一號鉄嶺山樵邑北張官屯人繪山水人物一種
靜穆秀逸之氣出自天然惜其年不永未及深造

王靖陽字華洲號雲舫邑北大石橋人畫五色牡丹枝葉生動風

趣移人尤善丹青山水其餘人物禽鳥之類亦無不姿態橫生得
自然之趣

李錫貞字筱谿別號蓮癡樵者蓋邑東關人專工花鳥為吾邑繪
事先導惜早歸道山未能造寫生之極詣

董品芝字春榮邑東松屯人也成童即喜繪事從蓮癡樵者學花
鳥並能旁及山水人物時山左畫師吳頌臣旅蓋所寫山水迥越
尋常尤因仿古工得觀摩領會漸幾能品

于秉倫字省吾蓋平人於金石書畫之學多所服膺善鑄牙角晶
各章亦習繪事並殫心篆隸書法尤能筆蘸印色寫作圖章所仿
歸去來辭陋室銘全文刀法儼然不懈而幾於古非易易也

王淑貞邑南沙崗台李家屯附生劉毓麟之妻幼聰慧讀書識字尤精繪事所畫山水花鳥獨具澹遠超逸之致得者珍之
焦女士邑南歸州人進士王蘊山之妻焦琴齋女孫也書畫俱佳然不多傳於世識者憾焉

王錫臣邑南歸州人幼失明精日者術每為人誦命運升沉禍福往往奇中優貢沈羹唐二十九歲時問生平休咎事言據君流年三十一歲定舉一子三十六歲恐有祿盡之虞當時不之信後果如其言

姜雲龍蓋平東南人少精堪輿每為人擇地往往符其言每歷世家大族墳墓知與不知觀其風水定其休咎皆歷歷不爽先生胞姪毓英字孟斐法政畢業任第一屆北京國會眾議院議員歷充梨樹縣莊河縣稅捐局局長

丁半仙蓋平東南人善卜筮遠近求卜者甫入室丁不問即知其所卜何事有尋婦者詣丁卜之告以東北行三十里外遇一叟問之則婦可得言果驗鄉人皆稱為半仙而不名

孟憲評字子衡蓋平熊岳人三世業醫祖字芳鄰遼海間最知名先生學本家傳祖述傷寒金匱等書尤長於痘疹瘟疫等科著有醫理探源待梓

高愈明字駿軒蓋平城北人通醫術造門問病者踵趾相接汪仲景傷寒論多所發明名曰傷寒論溯源詳解經學部審定並著有

脉理溯源毒疫問答瘟病說略秋疫問答咳症論頭疼分類等書
梓行每憂醫學流傳失寔為害非淺因自
案招生肄業以廣其傳

實業

實業為生民必要中國自古以農業立國流風所被民俗素重農
桑本邑下男二十四萬有奇席辰韓素知蠶桑之舊業農者十之
六其餘合業儒業商業工藝者不及農人之半且俱株守故轍不
過農服畝畝士習詩書商知懋遷工用矩矱而已總論全局通無
進化思想一受外潮之激刺則農戰學戰商戰工戰均不能與歐
瀛人爭一日之長而有貧弱之危今者政治維新科學發達舉四

民之業各立專門學校以研究之實業或可進步統計全境學校
共三百七十餘處畢業充教習者五百餘人出洋及在本國留學
者二百餘人學童近兩萬人醫士三百餘人城屯商賈舖戶四百
九十餘戶五千餘人工藝舖戶三百戶有零二千五百餘人果能
各精其業日進文明吾邑前途其有勇乎

商政

自中外通商以來貨物之出口入口其優劣盈胸於財政有絕大
關係吾邑出產以豆糧與山繭為大宗然雖有大宗出產而利權
每受損失如豆糧售與外人價值任其低
宗或運赴上海或販往煙台每遭賠累且市政不克改良絲繭多

移往他埠買賣絲棧又各爭意見以致絲行恟恍迷離鄉民繅絲者往往大受影響近數年來城商先以高價買繭四境於繅絲實業漸已蕩然無存盡讓之城內二三絲商又不時跌落繭價故作居奇卒至絲棧衰微鄉間失業而城鄉交困則損失者二况又紙幣太濫不但百物失其常價而且貨自外埠輸入與自境內輸出者盈絀相懸受錢法之弊尤鉅以云商政誠無可言近來商會發達直隸省垣倘能起衰救弊不受淘汰於商戰之秋記者有厚望焉

工政

本境工業以繅絲為最近年富商講求絲業舉繅絲生理多移於城垣惟穢水洋溢氣味薰蒸雖云實業亦碍衛生其次如豆油如煉紬如葦席皆可為土貨大宗其餘如動植礦物雖有製造均不優良城內習藝所向製皮鞋頗有可取於七年秋併入教養工廠其工作什物亦見進步惟銷路不暢工藝未興故不見發達想百工之事既不可以耕且為良田雖盛而無良工以維其後丁此外貨輸入之秋以濟農商之窮而競物質之勝者舍工政其道莫由也

學務學校附

蓋平自清初康熙五十四年知縣郭運昭本東南隅前明衛學舊址由西北移建學宮於此建

聖殿前後各三楹六十一年典史王振興士民捐建東西廡各三楹雍正十年知縣胡世仁增築戟門乾隆初知縣黃永耀訓導劉錫福重修

殿宇並建東西牌房圍牆照壁雍正初知縣曹涵在縣治西街砌建義學三楹厥後經邑紳等籌捐數萬緡購市房若干間在學宮設辰州書院以息金房租充諸生膏火之用甲午庚子之亂兵燹餘生辦學財產灰滅殆盡襄時學校已駸駸乎息矣光緒二十九年知縣祥德糾集各士紳由書院改設師範學校責成各區長按畝籌款甫及畢業三十一年冬知事劉廷珍抵任勅立師範傳習所三十二年春城內立高等小學校一立小學校四各區立小學

校數處而高小闕如由是舊學告終新學開始矣詎比時風氣未開學款按地抽收民弗樂輸學校幾乎輟業適知縣馬俊顯才力敏活雷厲風行籌得雲山海三道海熊岳等處山場房地食租若干並籌有實款數萬加以各區畝捐二成於是四境小學林立宣統元年改傳習所為補習所二年將補習所改立簡易師範及民國三年春由簡易師範改設初級師範及縣中學並於湯池博洛鋪熊岳萬福庄趕馬河墳山寺分設高等小學六處城內添設女高小及國民學校一處清真慈化小學兩處(由牛捐及僧家抽款)由此積漸進步除民國三年在本城民倉後擬設省立第三師範歸省出款外統計設中學一師範一高等小學七女高小及國民

學校一全境國民小學三百六十三城外私立女國民學校四統計全境學童一萬九千一百餘人所有捐款租項均歸收捐處派警收存交由勸學所分撥各校國民學校教員各按甲乙丙丁支領至於私塾全境雖有數處亦皆距學校較遠初學之無直等之自鄙以下焉此學務之大概情形也

警務

我邑之有巡警自光緒三十一年知縣劉廷珍按地抽捐始此時草昧初初未諳警章其設置之法城內設總局一四鄉設分局十均用鄉紳武健者為之更用一人以為之輔巡丁募自土著經費歸之畝捐名為巡警其實尚不及曩昔之防兵為局長者又皆係

邑紳或蝕款被告或尸位素餐徒費吾民之脂膏而已三十四年春大府檄唐提調來蓋整頓巡警乃聲勢赫濯行為貪僻較從前皆一邱之貉而尤加甚焉卒至前清末造而警事不可為矣宣統建元將西北九十兩分局撥歸營縣變更區域始劃為四區五分局並設巡警教練所然仍徒事鋪張蹈岡而外別無實用迨民國紀元以來積漸改良總局改為警察事務所設所長一人分總務行政司法設股員三人主計及書記各一人警士一百名外設馬巡隊長一人巡兵五十名共劃全境為四區五分駐所區設區官一人城內第一區七年改為巡官主計一人警士一百名各分駐所設巡官一人巡記一人警士四五十名不等常年每日地規定

抽收洋六毛作為警捐並由宣統二年所設預警七年改為保甲
互相補助駸駸乎收緝捕之效四境得安然無恙誠治內之良好
政策也

礦務

自周禮井人之制不誨棄利於地而中國礦務一壞於明季之宦
官騷擾再壞於光緒間之商人招股最爾荒僻又何礦務之可言
乃近三四年來自鞍山鉄礦發見開礦之說又沸騰於全省吾邑
自五年已來城北先出雲母石一礦滑石一礦頗稱得利然不二
年亦已停工城南沙岡台瓦房峪四方台一帶出弗石礦城北聖
水寺一帶等處又皆報准弗石苦土礦數處歷歷開採所出之貨

優劣不等擇其尤者要以四方台沙岡台等礦產貨尚多其餘或
年餘或數月即已偵採揆厥由來蓋因此等礦產可以化鉄可以
製造玻璃中國既苦於不能又苦於無力仰外人鼻息又豈能以
大利予我所以礦產雖極豐富出售不得而墊付工本勢必不能
持久且貨物亦必減色興言及此除大資本家專務煤鉄尚可與
他族爭礦產之利其餘礦務概難言矣雖然本邑礦產尚有石綿
銅鉄紅土丹砂等數種如能改良礦務地不愛寶亦未嘗不可為
致富之區也

農務 農舍附

本境西面距海皆務魚鹽而南北兩鄉沃田最多耕治之法亦細

城東及東南兩面山林叢雜陰種樹養蠶外山地平無各居其半
民風淳樸一意務農且土田瘠薄於治肥料尤加意講求不遺餘
力農桑之利富庶之象亦漸興膏腴之鄉爭勝焉前清一代農學
不講出作人息任天而動雖設有農業試驗場亦未收效果旋即
廢去民國紀元自治發展曾立有農會未幾議會取消而農會之
雛形亦隨自治之潮流以俱滅七年夏邑紳重申前議稟准縣知
事咨請農務總會復立農會於東關山西會館復又移於公署東
院公舉正副會長各一人評議及會員若干人按通常臨時及評
議開會於有益農民及播種新法不時亟亟進行農業進步其庶
幾乎

商務高會附

嘗讀經濟一書最重者曰需要曰供給若商務之需要外貨則為
輸入供給土貨則為輸出二者實經濟之大原則也顧本境一壞
於工藝之窳敗再壞於錢法之毛荒則輸出之貨往往不敵於輸
入而商務乃日形其困何言乎壞於工藝之窳敗也蓋如本境城
鄉各行舖戶不下四十餘行數百餘家半因工無良法不能製造
勢不得不仰給外貨及各省貨而輸出之貨僅抵輸入之貨值十
分之六七如此則商家與外人交易土貨不增而銷用日廣漏卮
之勢成矣又何言乎壞於錢法之毛荒也即如本境絲繭為出產
大宗近因本城所使奉省銀元券不能兌現較現洋每元差五六

毛之多均不肯來本城出賣遂致移往安東其次則柳潭煙台舍近求遠希圖賣得現銀本城生涯遂日趨於蕭條狀況趨實避虛勢理使然雖有數家繅絲工廠亦杯水難救車薪之火烏營口爐銀跌落商業吃掣其明證也况商家又復日事居奇不能提倡土貨徒以外貨物新價廉搜括本地之微利不能吸取外來之金錢元氣日虧商務日絀又何有良好之結果哉前清末葉立有商會公舉正副會長各一人近年移於城內崇教寺苟舉從前市面之利弊加以經驗熟悉於經濟原理能遠攻不止近取商民一體是吾邑之幸也茲將輸出輸入表分項列後庶後來有心經濟者有所考鏡以商戰競勝則斯編或不無小補也夫

縣境

本境為箕宿分野在北緯度五十一度有奇東經度七度有奇距奉天省城西東三百六十里由縣治起算不按從前城守管轄界限均按縣治寔界核計西至渤海連雲島二十里外為奉天領海東至蘭姑嶺八十里外為岫岩縣界南至萬家嶺九十里外為復縣界迤東延袤南至台子山一百一二十里外為莊河縣界北至大石橋六十里外為海城縣界西南至熊岳西南海岸灰洲九十里外為復縣界西北至原界營口老爺閣與海城接界厥後以添設營縣宣統元年撥歸營口縣二十餘里現界至淤泥河邪斜四十餘里外為營口縣界東南至原界火石嶺子光緒間撥歸莊河

縣十餘里現界由劉貝子房犬牙相錯至剛家屯一百一十里外為莊河縣界至貓兒嶺一百三四十里外為岫岩縣界東北至白土嶺一百里外為海城縣界總計全境東西共道路一百二十里南北共道路一百八十里西距大海北距平壤東南多山區域既狹田賦亦尠與遼海比例實小邑也然縱觀本縣形勢居遼東灣之東岸地勢東高而西低東北又較高於西南山嶺林立盤鬱而成高地山以赤山布霧皂突綿羊為最著嶺以義爾蘭姑貓兒青石萬家為有名畢利河導源於內大清河橫流於中南滿鐵路直貫全境西河口岸最便航行水陸交通商業殷盛亦形勝可守之地也

區界

自初設巡警而區界遂瞭如指掌無稍含糊計本縣全境前清有鄉約時代劃為九十六區域至光緒末葉改為九十四區及自治期成會成立又併為十七鄉民國以來已將鄉界擱置不用茲按巡警管轄區界並附全境各區村名列表如後

區界 村

警署第一區 城廂一區
 一區 城廂二區
 縣城裏 城廂三區

一 二區縣治城裏
 三 四區

城廂四區
城廂五區
城廂六區

縣治南關

雙頂東區
雙頂西區

紅花峪 徐家河窪 綠海村 葡萄海
紅旗園

西關區

董家海 李家村 西關

王母區

王母村 苑家屯 董家海子 詹家屯

西峪子村

青石區

劉家海 飛雲寨 前馬虹嘴 後馬虹嘴
腰嶺子 青石嶺堡 前三塊石 後三塊石

海山區

東海山寨 西海山寨 西河口

八嶺區

劉家屯 虎鬪馬峪 麻麥庄 八嶺腰村
大八嶺 小八嶺 蔡家屯 胡家屯

河北區

東白谷庄 西白谷庄 門家屯 佟家屯
丁家屯 老教廠 馬園子 繆家屯
吳家塋

常家區

常家園子

天台區

天台村 北關村

西套區

任家屯 張家屯 胡家屯 陳家屯
西歲子 杏樹海 南歲子 滕家房身

龍王區

光輝屯 後張家屯

譚家漢洛 門家漢洛 王家漢洛 李家漢洛

張家漢洛 龍王廟 邵家屯 祁家塢

金家園子 康家屯

黃石區

孔家庄 團山子 黃家大寨 石橋子

張家瓦房 石家屯 王家園子 小黃旂

二台區

張家大寨 王窩舖 西二台子 東二台子

黃坨子 佟窩舖

轉山區

王家屯 鄭家屯 轉山子 惠家屯

常家屯

河南區

花園坨 尚河寨 古家子 科頭寨

河上屯 沙溝子 李光庄 三道溝

葉家溝 吳家屯 小米寨 東邵屯

高家屯

龍灣區

前松屯 後松屯 徐家屯 韓家溝

前塔子溝 後塔子溝 正南海 狼洞溝

忠節疎區

西台村 獐狼寨 腰嶺村 羅家店

初家堡子 許家堡子 房身村 曾家店

瓦房店 茨峪溝 老爺廟 松樹村

忠義疎區

前後暖泉 前後紅壩 蔡家峪 方家屯

警言察二區		駐能 岳城
歸州區	熊岳區	白雲區
關家屯 團 瓢 三台子 龍脖子	歸州 仰山子 蒲子河 小房身	正白旂 上下棗峪 朴家溝 前太平溝
于家屯 大房身 閻家溝 南黃哨	楊家店 水峪 陳家屯 馬家屯	後太平溝 趙家屯 范家屯 李家屯
義爾嶺 棗木溝	熊岳城	頭二道溝 三四道溝 屯道溝 龍王廟
		染房海 董家屯 洧家溝 水泉海

駱駝北區	頭台南區	頭台北區
饒饒山 河北沿 槐樹房 西二台子	西達子壘 花家園子 古家子 背陰寨	東達子壘 唐家嶺 興隆寨 駱駝嶺
紀家屯	偏坡子 關家屯 小石礮 九才寨	靠山寨 東二台子 劉家屯 河北坎
	牌房 長嶺子 楊家屯 苗家店	太平庄
	頭台村 康寧堡 南 蜜 孟家窪子	河東沿 侯家園子 九十隴地 南家壘

大房身 正紅旂 增壽堡 高家高鋪
小營子

頭台西區

警察二沙岡區

沙岡台 馬圈子 西沙河 小望海寨

區一分

柳樹底 范家屯 光輝屯

駐所 何家區

何家屯 老爺廟 丁家屯 史家屯

駐沙岡台

詹家屯

榆林區

榆林屯 榆林堡 南峪村 鳴珂嶺

孤家子

柏林區

廟白旂 宋家屯 東冷水河 西冷水河

草房 李家屯 二道河 張家屯
號房 金冷水河

萬興區

萬興堡 晁家屯 郎家屯 閻家屯

達子營

萬福埔區

吳家屯 萬福庄 前火石山 郭家屯

古窰村 劉家屯 蔡家屯 于家園子

達子營 楊家屯

望海區

碧霞嶺區

前後安平區

前安平村 沙河子 編坡子 駝頭舖

墳山陳區	太平庄 趙家屯 彎窩子 後安平村 賀家屯 楊家屯 張家屯 周家屯 藥家東溝 小河子 黃窩舖
饅首埔區	四方台 破台子 雙台子 瓦房峪 絲拉舖 靠山寨 董家屯 黃旂堡 官家屯 文家屯 四台子 柳河寨 紅旂堡 唐家屯 莫家屯 望小山 倪家屯 杜家塋 金家屯 東柳葉屯 葛慶家屯 西柳葉屯

駱駝南區	女兒姑 三台子 丁山堡 前台子 八家子 偏坡子 高家屯 南台 二道河 趙家屯 東房身 丁家屯 何家屯 破廟子 花紅溝 夾石溝 老窩舖
警察二磧山區	陳家屯 于家屯 許家屯 汪家店 鄭家屯 馬家屯 北山根 五美房 曲家屯
三公區	房身溝 八道河 路溝 三公店 劉家屯 南岔 亂泥塘 韓家屯

瓦房區	三道河區	五道河區
陸家屯 大廟村 文嶺子 鄭家屯 倪家屯	瓦房店 孟家溝 張家屯 丁家屯 施家屯 老爺廟 馬家屯 曲家屯 胡家樓 樣子溝 馮家屯 萬家屯	草甸子 姚家屯 徐家屯 桃樹溝 龍門湯 龍潭溝 下窩鋪 大屯 頭道河 馮子溝 姜家屯 二道河 三道河 徐家屯 南台 西南溝 陳家屯 五道河 六道河

警察三忠孝區	忠烈區	忠誠區	忠慶區
鮑家區	石頭嶺子 西朝陽寺 古子溝 四張滾子	萬福庄 片菜溝 十間房 東楊木林子	張家屯 石灰窰子 李家屯
李家店 七道河 頭道溝 房身溝	墳塋溝 樓台溝 二道溝 三道溝	全家屯 北四道溝 東四道溝 山嘴	前崗家閘子 孫家窩鋪 王家屯 劉古魯溝
崔家屯 周家屯 四道溝 上崔家屯	二道溝	洪家屯 胡家東溝 釣魚台 柞樹甸子	

忠懿區	周家溝 桂子溝 葦塘 東朝陽寺 西扒山子
忠民區	譚家堡子 興隆屯 楊木村 賴家屯 綿羊溝 望小人溝
忠德區	汪家堡子 羅圈溝 轉灣子 單家堡子 張家小堡 郭家堡子 太平山 周家堡子
忠敬區	王家屯 南房身 龍頭裏 頭三道溝 偏嶺 薛家屯 徐家歲子
	前後獨甸 靠山屯 貂貉溝 王家歲子
	藥王廟 侯家溝 高家屯 李家屯

忠仁區	田家屯 隋家屯
忠順區	安山峪 小宋家屯
忠實區	東蘇子峪 前松山峪
忠道區	張家屯 楊家屯
忠恕區	台子山 張家屯 戴家屯
忠良區	東韭菜池 大寨 曠洞溝 二三道河子
警察三忠悌區	土門子 梁家屯 陳家屯 孟家店
區一分	劉家堡子 田家屯 西荒地 老古嶺
駐所	王鄉約西溝 牯牛溝 梁家溝 小楊子峪
莊莊王	棗刺色子 老塘溝 東荒地 朱家溝

警察三	忠勤區	玉石溝	郭家屯	蔣家屯	圍山河
	疆帽區	楊樹房	小石棚	公路溝	孔家屯
	忠正區	大鍋塔溝	大石棚	史家屯	小鍋塔
	忠信區	遲家店	卞家屯	羅家屯	孫家屯
	忠貞區	英家屯	半拉廟子	崗場溝	道間溝
		四家子	土門裏	黃土嶺	白家屯

區二分	駐所	忠實區	巴家海	黃家堡子	南台子
駐北陽	北陽區	富家堡子	陳家店		
警察第四	忠慎區	李家堡子	金廠溝	方家堡	娘娘廟溝
區駐湯池	湯池區	湯池村	二道河村	古寺溝	三元井
		二道嶺子	望山口	鷺鴦溝	徐家溝
		三道嶺子	牛象堡	卧牛石	鷹首溝
		塔峪溝			
	虎山區	虎頭山子	陽爾溝	土城子	芹菜峪
		黃土嶺	下仙家峪	小錯草峪	大錯草峪

上仙家峪 後仙家峪

盤山區

青寨子 甸子寨 車家堡 戴家堡

瓦房溝 周家堡 大金寺 楊家溝

溢栗溝 趙梁屯 黃泥屯 殷家堡

秀才區

上哈塔 下哈塔 秀才溝 木溝峪

下虎皮峪 上虎皮峪 茶葉溝 崔家堡

丁家堡 馬門街 秀才嶺

接官區

接官廳 劉家堡 松坨子 秘子溝

廂房 秦家堡 班家堡 周家堡

張家歲子 銅匠峪 紅旗鎮村 夾山溝

六塊地村

寶山區

孤家子 關家堡 賈家屯 望寶山

郭家屯 紀家屯 牌坊 王家屯

小孤家子 茂林溝 顧家屯

石佛東區

曹家屯 沈家屯 石佛寺 高家屯

禿老婆店 腰溝 三道房 團甸

石門區

金家屯 木溝峪 石門嶺南 板長峪

石門嶺北 于糧溝 房身溝 小房身

劉皮匠溝 小廟溝 廉家歲子 岔溝

名木廠 碓子溝 泉眼溝 徐戶溝

仁 和 區	大廟溝	伏龍爪溝	頭道溝	關	溝
	劉家溝	祝家溝	卞家溝	川甸河子	
榜式 <small>西中區 北東區</small>	趙家堡子	往樂屯			
	大王寨	胡家峪	懷王墳	旺戶屯	
	高家屯	茨爾峪	和美村	代葫盧峪	
	高士溝	馬連峪	落水寨	榜式堡子	
	龍潭寺	大牽馬嶺	獅子峪	小牽馬嶺	
	現家峪	于家屯	石灰窰	趕馬河子	
	蟒家峪	新民屯	椴木溝	陳三家子	
	楊家屯	英守堡	施紅溝		

警察四區一分
駐所
駐博洛鋪

昌平區	太平庄	三家子	達子堡	古家子
公平區	朱家甸子	博洛堡	皇粮堆	紅旂廠
	商家台	劉伯寺村	牛家屯	土城子
公正區	二道河子	秦家屯	望馬台	小房身
	西胡家屯	楊家屯	韓家屯	青堆子
	路家屯			
	景家屯	陳馬家屯	李家屯	大小卧龍崗
	西山岡子	胡家屯	劉大屯	神樹屯
	尹家屯	母家屯	燕山口	賈家屯
	小博洛鋪			

公明陳區

周家屯 孫家屯 羊草溝 大房身
陳兩軍寨 孟家屯 詹家屯 賴家屯
鞭桿溝 馮家溝 江南屯 劉家溝
荒土嶺

康平區

昌邑屯 破橋子 滕坨子 藍旂廠南村
藍旂廠北村

公直區

棗兒嶺 張官屯 高莊屯 聖水寺
前百家寨 陳家堡 迎風寨 後百家寨
江塔寺 曹官屯 李家屯

牛山區

田家屯 前岡子 後岡子 常喜屯

公和區

顧家堡子
八家子 永安屯 灰庄屯 碭石山子
江塔寺 新民屯 王家屯 徐家屯
錢家堡子 橋台舖 鐵嶺屯

附自治及學校區界

(一) 自治區界

城廂鎮 城南一鎮 城南二鎮 東南一鎮 城北一鎮
東北一鄉 東北二鄉

(二) 學校區界

學區按自治區界分劃計城廂鎮為第一學區城南一鎮為第

二學區域南二鎮為第三學區東南一鎮為第四學區域北一鎮為第五學區東北一鄉為第六學區東北二鄉為第七學區

附十七鄉

中平鄉 縣治所在共領區七曰青石八嶺天台雙頂海山王母河北斯鄉地勢平坦土質肥沃民多業農惟海岸間有捕魚蝦為生計者

北撫鄉 在城北十二里共領區四曰公明公平公正昌平斯鄉地勢平行畊牧咸宜惟西部近海土質斥鹵不適種植然產鹽甚盛可以補農業之不足焉

北鎮鄉 在城偏東北三十里原領區六曰公直公和石橋牛山

康平北岳今已將石橋北岳撥歸營縣斯鄉地亦平行土脈肥沃惟西境不宜耕種然鹽業亦盛居民賴之

北滙鄉 在城西北五十里原領區四曰太平永平正平和平今已均撥歸營縣

東甯鄉 在城之東南十里共領區三曰忠義忠節龍灣斯鄉四境皆以山為界中間土質多石沃田較少惟東境蠶業頗盛

西成鄉 在城西南三里共領區六曰河南龍王二台黃石轉山西套斯鄉土田肥沃居民專以農為業

南榆鄉 在城西南十二里共領區五曰何家後安平魚鱗望海沙岡斯鄉土地適中皆宜於種植

南林鄉 在城西南三十五里原領區四曰鹽廠柏林萬福萬興
今鹽廠已撥歸營縣斯鄉近海為漁業最盛之區

南岳鄉 在城西南五十里共領區三曰白雲駱駝北頭台北斯
鄉雖云近海而畊植適宜

南山鄉 在城南偏西三十五里共領區五曰墳山東墳山西前
安平饅首南饅首北斯鄉地土適中民皆務農

南華鄉 在城南偏西五十里共領區六曰鮑家五道三公駱駝
三道瓦房斯鄉業農而外東境蠶業頗盛

南州鄉 在城西南六十里共領區三曰頭台南碯子山歸州斯
鄉地土中平民務農業

東台鄉 在城東南四十里共領區七曰忠民忠貞忠信忠悌忠
正忠誠擅帽斯鄉沃田較少業農而外西部蠶業甚盛

東魯鄉 在城東南六十里共領區九曰忠烈忠懿忠慶忠敬忠
仁忠順忠道忠寶忠恕斯鄉為繭絲出產之地

東明鄉 在城東十二里共領區五曰石門仁和榜式石佛寶山
斯鄉皆以山為界民多務農惟東部蠶業漸盛

東池鄉 在城東北三十五里共領區五曰接官廳虎山秀才盤
山湯池斯鄉居民務農養蠶而外多以織造絲紬為業

東雲鄉 在城東南六十五里共領區七曰北陽忠寔忠良忠慎
忠勤忠孝忠德斯鄉東境蠶業可為蓋境冠惟田土較少西境地

尚平坦民多從事農業

市鎮

自漢魏以來本境古代市鎮代遠年湮如玄菟平郭古城歸州堡頂山堡及鐵嶺屯堡白家寨堡渤海舊址皆已如銅台宮觀委之灰塵敗瓦頽垣無稍存者雖有耳聞莫能詳也茲僅就現世存在者分晰記之俾後有所考焉

治城分東街南街東關南關爰將諸市列左

- 一柴市在東關南關兩處
- 二銀市在城內西偏崇教寺前
- 三魚市在鼓樓北及東門外

四黃花魚市在城東門外

五菜市及果市均在城東關

六鷄鴨市移城東門外迤南城牆東面

七驢馬集市在南關二五八集

熊岳城 在城西南六十里

營口 在城西北七十里宣統元年撥歸營縣

博洛鋪 在城北三十五里二五八集

橋台堡 在城北四十五里

大石橋 在城北六十里一以右橋與海城縣分界
四七集

湯池堡 在城東北六十里三即古之安市城
六九集

萬福庄 在城東南八十里

接官廳 在城東北百里

土門街 在城東南六十里 因東南有嶺如門故名

虎莊屯 在城西北七十里 二五八集

公所

蓋州衛署故址 在城西北隅元延祐五年置蓋州千戶所明洪武九年改置蓋州衛署今並廢

蓋平學宮故址 在城西北隅清康熙十一年知縣劉羽緝建五十二年知縣郭運昭移建於東南隅今已無存

縣知事公署 在治城中央原有大堂三間民國五年經知事朱

斌奎改建法庭二堂五間現作會客廳事及縣知事辦公室書吏

房東廂三間現在南間改作女看守所北兩間改作法警隊長室

書吏房西廂三間現改作雜項辦公處大堂西正房三間現作司

法科二堂西正房一間現作豫審室二堂東廂房三間原住門政

現作回事處儀門一座大門五間後改作三間以上皆康熙四年

建也三十六年在二堂後增建知縣內宅七間今改五間廂房三

間書房一間乾隆三十二年後又增建廂房六間及二堂西月門

裏南北花廳各五間今作總務行政會計各科辦公室又儘西月

門裏正房三間今住辦公人員以後歷經知縣潘彭年毛鳳儀姚

承恩張鼎鏞等申請修理於公署東後院增築正房十間從前作

童試考舍今則改作收捐及徵收地畝處前院增築房十餘間從

前作為馬號今則改住雜項人役又西院正廂房數間從前改作

預警辦事處及審檢所今則改往法警衛隊總之以上房間往往或有改造及增損等處不能備載

倉庫 原庫一間在縣門外廠後移建於二堂東偏今已作廢民倉數十間係康熙年建雍正年續建在

文廟西首今已改作省立師範校舍旂倉三十間係康熙年建乾隆年增建在城內西北於民國六年已投票出售今已改作繅絲工廠

監獄 原來二間於雍正十二年移建於儀門西偏乾隆四年增為三間其封與班房散帶各有房數間一在儀門東偏一在署前路南皆係後來增建也

典史公署 在縣署東南康熙年建大堂三間內宅三間廂房三間大門一間嘉慶十三年典史沙士恒詳修計大門三間儀門一間大堂三間東平房三間西平房五間書房二間住房五間東西廂各二間廚房二間以後經典史黃振槐陳宗輝孫德溥武慶安迭次重修堂西增設房二間今作教育會堂東增建房二間今作圖書館自民國元年秋裁撤典史以後全署改作勸學所聞之自三年以來地點已割歸省立師範學校將來勸學所或不克久於此地本縣公家房宅漸不足用矣

儒學公署 設在城東南

文廟東院原設書房三間正廳為明倫堂後改五間堂左平房二

間堂後內宅十一間大門一間門內學書門斗房五間儀門一間
係乾隆三十六年訓導劉昌齡捐建四十四年訓導劉之敬增建
廂房三間咸豐八年訓導姚文煜率同紳士重修自民國初裁撤
訓導將此署已改作縣師範中學校矣今者增築校舍若干舊
日觀念已不復存

城守公署 附八旗官廳

在縣署西街路北大堂三間庫房一間大門三間擋房二間東西
廂滿漢兩司科房六間配房二間二門一間值月處房三間照壁
一座係康熙年建乾隆嘉慶咸豐年間迭次修理民國紀元以來
苔鎖重門已歸廢置八旗官廳亦皆出售拚成王侯第宅矣

警察所 附第一區

在縣署東街即東三旗官廳計西面兩院正
房十間餘房十餘間大門兩間現在東間關閉作為事務所東面
一院正房五間餘房數間大門一間作為第一區

勸學所 附圖書館

在縣署東南即典史公署計後院正房五
間為辦公室中間廳事三間作接待室西面正房兩間作教育會
東面正房兩間附圖書館大門三間存儲什物

義塾 在節孝祠院內東廂五間大門一間今租作民人居
室及商人棧房矣

教養工廠 習藝所附此

在城西門裏迤南即廂紅旗舊官廳與民房合併而成計門房一

間前屋九間西下屋三間後院門房五間正房兩進共十間東西廂房共六間中間正房四間除辦公室外均屬戒嗎啡與作工藝者支配分住焉

馬一區 在城西門裏上下屋數十間

講演所 在城內扒頭街路東瀕街市房兩間

保甲所 在縣署東院東廂房三間

教場 在東門外又名箭廳前清旗兵習射處

屠獸場 在東關迤南上下屋數間

教育會 在勸學所院內

農會 在東關關岳廟院內後移縣署東院正房三間

商會 在銀市崇教寺院內東西廂房數間

蓋復統捐局 在南大街路東前中國銀行舊處

收捐處 在縣署東院後屋正房五間即從前地方公建之北考

棚有碑紀其事屹立院之西偏

漁業銷售場 在南門裏

清丈局收價處 在城內鼓樓上正房三間

登記所 在縣署院內

郵政局 在鼓樓迤北大街路西前後屋數間

省立師範學校 在警察所路南計房共百餘間

縣中學師範 在學宮院內計房數十間

大隊房 在扒頭街路北今廢
牲畜稅分卡 在城南門外計正房五間
常關稅局有二 一在城南關一在熊岳北關

橋 梁渡船附

古者王政最便行人所以十一月徒杠成十二月輿梁成民不病涉然古之十一月十二月即今之陰曆九月十月而與陽曆暗合也本邑多山水其發也暴其消也速橋梁既不易多修而亦無庸多修茲僅就巨流大水所有者記錄如左

惠風橋 在城南門外兩旁豎有鐵檻
聖旭橋 在城東門外

清河橋 在城南半里以木為之夏季水發往往拆去

列車橋 在城西海山寨車站南日人修

燭頭河橋 在城西南三十里

暖泉橋 在城東二十里

小石橋 在城西南二十里

善人橋 在城東三十里和美村西貢生崔九峰建

仙人橋 在城南五十里已圯猶存基址

仙水橋 在城南四十里俗名張果老橋石上有掌指及驢足跡在焉

新安河橋 在城南六十里

石橋 在城東北隅

三叉河橋 在萬寶山村北距城五十里

淤泥河橋 在城北五十五里俗名大石橋

羅家哨橋 在城東十五里

萬福庄橋 在城東南八十里畢利河以木為之

熊岳河橋 在城南六十里

清河渡船 除春秋用木橋外夏季河水大發用杉板三四艘渡

車馬行人此外本境別無渡船

祠祀廟宇附名宦節孝祠

社稷壇 在南門外街西一里雍正十年知縣胡世仁建

風雲雷雨山川壇 在東門外街東一里雍正十一年知縣姚承恩率紳士丁文浚等修

先農壇 在城東八里雍正五年建乾隆十五年重修正殿三楹配廡二楹大門一楹

厲壇 在城北

文廟 在城內東南隅清康熙間知縣郭運昭建東有文昌宮道在城內六年知縣潘彭年建廡有修葺洎光緒甲午中日一役廟庭蹂躪紳士秦愛堂等募資修復至庚子亂廟宇摧殘視前加倍經舉人王郁雲提倡重修秦愛堂募捐東錢五千緡張鎮清助捐東錢壹萬緡始復舊日規模云

關岳廟 本邑東門外原即山西會館至民國始改今稱

城隍廟 有二後在城內西正殿三楹配廡東西各五楹大門一楹

康熙年

八蜡廟 在城東五里正殿三楹 西屋三楹大門一楹

忠孝節義祠 在學宮東祠宇三楹大門一楹 雍正九年修乾隆三十二年重修

節孝祠 在城內老雞鴨市路北建造祠宇三間 雍正九年建乾隆四十四年重修

滕公祠 在學宮前

秦剛烈公祠 在省立師範學校東首 同治二年奉旨建趙事詳歷史

關帝廟 有三在東門外改關岳廟一在熊岳城一在 橋台舖其餘境內尚有數處均不及載

天后祠 在縣治東南康熙五十五年 建殿廡均不及載

元真觀 在城西門內今名上 帝廟殿廡均不及載

崇教寺 在城內正西 殿廡不及載

興隆寺 在城內西街殿宇不及載 碑文係耿仲明撰

火神廟 有二在城內西南又一在熊岳城小 十字街清初建殿宇均不及載

地藏庵 在城內中央殿 宇均不及載

道林寺 有二在城內西南又一在熊岳城唐朝 建尉遲敬德重修殿宇均不及載

娘娘廟 在南門外殿 宇不及載

妙峰寺 在城東二十五里 殿廡多不及載

慈雲寺 在城東三十里 殿宇不及載

金仙寺 在城東六十里 殿宇不及載

龍王廟 在城西十五里連 雲山殿廡不及載

歸名寺 在城西四十里 殿宇不及載

望海寺 有二在城南十里又一在城西南 四十五里殿宇均不及載

玉泉寺

在城南八十里殿宇不及載

仰山寺

在城南九十里殿宇不及載

常山寺

在城南百十里殿宇不及載

香爐山寺

在城南百餘里殿宇不及載

清風寺

在城北十里殿宇不及載

龍海寺

在城北三十里殿宇不及載

名山寺

在城北六十里殿宇不及載

千峰寺

在城北六十里殿宇不及載

黃栢嶺寺

在城北六十里殿宇不及載

濱澗寺

在城東南六十里殿宇不及載

清涼寺

在城東南六十里殿宇不及載

石佛寺

在城東南七十五里住持僧本方一塵不築有功叢林殿宇房間多不及載

泥汲寺

在城東南六十里殿宇不及載

降佛寺

在城東南八十里殿廡不及載

伴山寺

在城西南二十五里殿宇不及載

龍泉寺

有二一在城東北十八里一在城東南百十里殿宇均不及載

肇慶寺

在城東北三十五里殿宇不及載

白塔寺

在城東北六十里殿宇不及載

東寶安寺

在城南二十里殿宇不及載

西寶安寺

在城南四十五里殿宇不及載

遷喬寺

在城南五十里殿宇不及載

碧霞宮

在城南五十里殿宇不及載

龍鳳寺

在城東南八十里宋朝建清道光十三年僧人真納重修殿後戒僧本方重加整頓殿宇多不及載

聖水寺有二

一在城東南九十里一在城東北六十餘里殿宇均不及載

松華寺

在城東南百里清雍正二年重修殿宇不及載

龍潭寺

在城東南赤山距城百餘里明萬曆四十四年重修殿宇多不及載

雙塔寺

在城東南一百三十里建於明朝清雍正十一年重修殿宇不及載

三寶寺

在城東南九十里明朝建清雍正十一年重修殿宇不及載

普濟寺

在城東南四十里明萬曆年間建殿宇不及載

雙泉寺

在城東南七十里宋朝建清乾隆二十四年重修

龍泉宮

在城東南五十五里俗名四角山藥王廟香火甚盛殿宇不及載

古蹟

一代之廢興必有一代留遺之蹟我邑沿革離奇歷代之鴻爪雪泥經數千年來除波瀾雲詭詎能無新亭洒淚銅雀荒台之遺哉爰緝芻及之以為考古者之左證焉

一西蓋馬縣漢初置今無考

二元菟亭漢王莽置年月地址無考

三番漢縣漢縣屬遼東郡舊址無考

四興遼縣本平郭縣地漢有昌遼城隸遼東屬國舊址無考

五盧州本渤海一縣金廢舊址無考

六蓋牟城

高麗置李勣攻破蓋牟城即此舊址無考

七辰州

渤海改此名按魏晉以來以本境為辰韓地故名唐改為蓋州當屬今之治城

八鐵州

漢安市縣地距城六十里當屬湯池附近

九建安縣

高麗置遼隸辰州金隸蓋州元廢按唐書李世勣議西擊建安不如先攻安市當在今縣治西南

十岫巖縣

距縣東二百餘里當不在本境內

十一怯恰千戶所

元置明廢舊址無攷

十二廢蓋州衛

元延祐五年置在城西隅明洪武九年廢

十三頂山堡

在城南五十里今地無考

十四歸州堡

在城南九十里遠時歸州城故址

十五鐵嶺屯堡

在城北八十五步又名灰洲

十六白家寨堡

在城東五十里今地無考

十七湯池堡

在城東北六十里週圍一百二十步即古之安市縣西漢置晉廢縣高麗為安市城

十八平郭城

西漢置後廢按漢書志其地有鹽官鐵官舊址無考

十九古城

在城南六十里週圍八十五步今地無考

二十謊糧堆

在城北二十餘里相傳唐太宗征高麗乏糧夜築土覆米於上以誘敵今已圯廢無存

二十一青石關

在城北十餘里兩山壁立鑿石為門

二十二石門嶺

在城東七十里前

二十三窪泥塘

在城北五十五里為於泥河宣洩之處相傳唐太宗弱馬於此

二十四淤泥河

在城北五十里隨海潮為漲落相傳唐薛仁貴救駕處也

二十五烽火台

在城南七十餘里兎兒島處唐時建築

二十六青龍山

在城南二十里皂突山上其下有土台三級而初級

二十七鉄塔

在城東五里相傳鉄塔飛去以石為之

二十八夾桿石

在城東關二里許相傳古昔戰時豎大纛處也

二十九張果老橋

在城南六十里熊岳城為岳城八景之一

三十皂突山

在城南十餘里上有前朝遺蹟甚多

三十一素井

在城西南二十里伴仙山有以不潔器汲水者水即立枯必用淨水洗刷井石焚香祝之水始復元昔黃花老人在此栖真想必飲茲仙液殆如天冠

三十二石碣

在東南城牆裏面砌一石碣其文為明威將軍旁有門德興三字係出土後添鐫者

三十四龍鳳頂

在城東南忠勤區距城百餘里與赤山對峙四面峭石壁立千仞其西一峰有古時建廟兩楹娘廟絕頂平臺數弓之地壑作蔬圃每年四月男女拈香音由石燈(俗名萬人摩)攀崖而上石燈盡處豎以木梯梯盡數十步始造其巔古境如此由来舊矣

三十五連雲島關

按明一統志在城西十五里明設關戍兵於此今俱廢

三十六接引碑

在城南塔子溝二十五里廟旁上有唐敬德監工字樣

三十七凱捷碑

在城東南赤山前坡龍潭寺上有唐太宗朕不喜得遼東願得一鄉之語

古墓

周書出自汲塚枯骨曾識防風古人荒邱往往有可資考鏡之處採輯一二與載籍極博之菁英以俱傳亦博古者之所有事也本邑為各種族割據之區查通志所載與父老所傳古墓有可徵實者爰附載於後

蓋蘇貞墓

在城北飛雲寨南山距城十里

七女墓 在城南十里鳳凰山下相傳蓋蘇文七姬及蘇文兵敗同時殉節

王朝臣墓 在城東六道村北山根距城三十里立有碑坊係明季名宦相傳有杜姓者將碑坊移去旋被颶風吹折今尚有石柱屹立墓前云

李彥明墓 在城西南團山子距城十餘里立有碑碣係明朝通議大夫今其子孫繁衍至千餘戶

卞將軍墓 在城東南龍灣十餘里係清封鎮國將軍墓前碑記尚依稀可辨

閻將軍墓 在城東南閻家閘子山西侯家海口距城九十里

牌坊尚存顏曰懷遠將軍閻公之墓其花園樓址尚在附近

耿仲明墓 在城東連陰峪所謂清初耿懷王墳是也現尚有石人石馬在焉

郎太后墓 在城東南狼洞海口平地距城二十餘里係前清太后今其墓址尚巋然可考

續順公沈志祥墓 在城東北盤山區周家堡距城七十餘里迄今豐碑屹立有清聖祖御製碑文在焉其子孫亦綿衍弗替懷遠卞將軍墓 在城東南趙家峪王家屯西距城六十餘里有碑可考

金將軍墓 在城東南四張滾子東距城八十里

崔將軍墓

地址全前

劉貝子墓

在城南閻家園子距城八十里

以上三墓均相傳為清季以前人然已無碑碣可考

山脉

東省山脉綿延而至本境多半為會歸之處至大海而止其餘則迤邐入於復岫莊河而去群山雜沓萬嶺攢簇支幹不清最易愒恍迷離茫然莫辨茲特條分縷晰詳記如左

本境之山皆崑崙北支山脉也自奉天東境而向東南迤經遼海蜿蜒而來至縣治東境東北西南連亘百里有餘層巒疊嶂首尾相連其大幹可分為二支

一支自東池鄉秀才區東迤為小孤山由小孤山而南迤為岫蓋之分水嶺至白陽區蘭姑嶺又分為二小支一小支南迤經忠實區至忠勤區之東境為貓兒嶺畢利河之源出焉又南折而西南行至忠慶區則為蛤什蟆嶺自此南迤出界而入於莊河縣境一小支自白陽區之北而西南迤為大七盤嶺又西為石門嶺復分為二副支一副支自忠民區東南迤為綿羊山畢利河之上源出焉又西南為王小人嶺及重石嶺或為中經過印子嶺至萬福庄而止一副支西行忠民區之北境為小七盤嶺又西為義爾嶺折而西南迤至忠節區之東境為四盤嶺即陽又西南越老古嶺小鍋峪遞次至糧帽為戴峪嶺又西迤分為二小副支一小副支西

北行至龍灣區之南境為雁窩山又北為皂突山西北行至西成鄉為鳳凰山而西與伴仙山連為一脉西抵大海而止一小副支南迤至墳山東區為滾馬嶺又分為二岔其一岔西南迤傍熊岳之東為老鉄山又西南迤至白雲區為達子溝山棗兒峪山和尚帽山至南華南州二鄉之間為石礪山為磬子山至萬家嶺而入於復縣界一岔自滾馬嶺東南迤至忠烈區之闔家關山又南迤為梨兒山又西至忠敬區折而西南迤為雞冠山遂出境而又入於復縣界

一支經盤山區為白土嶺又西迤為三道嶺又南迤經公明區而為招軍嶺復折而西迤至公正區為花兒山又西迤至縣治東北為螞蝗嘴山分為二小支一小支南迤為胡家嶺腰嶺至滴塔嘴而止一小支西行為石城山又西為青石嶺而與白狼山連為一脉西抵大海而止以上兩大幹脉皆層層銜接連絡不斷之山也其中有在兩支山脉而著名者其外有雜兩支山脉而孤立者分項詳記於後

(甲)在兩支山脉而著名者

花兒山 在城東北公正區正南距城三十里偏東山嶺有樹一株高丈餘開小白花其葉經冬不凋故名神樹山南即小寺左近多梨園風景頗佳

鐵塔山 在城東河北區距城五里南距清河里許而山中斷

行路幾如康莊北山有廟曰八蜡廟南山有塔為唐朝建造相傳鐵塔飛去今以石為之

竈突山 在城東南龍灣區內距城二十里北距清河十里山質皆石因眾山圍繞一峰矗立高插天半故名山上有泉洞峪山城五字又有仙凡分界四字又名娘娘廟山

雁窩山 在城東南龍灣區內距城三十里山上有高麗城在焉

雙頂山 在城北三里一山雙峰山之陽多義塚焉

鳳凰山 在城南二台區東境距城十二里為邑治之燕山山腰有白石觀邑人往往於此選勝焉

連雲島 在城西二十里又名連雲峪明設關於此有戍兵今廢

伴仙山 在城西南轉山區西北距城二十里又名朝陽山半巔有寺曰鶴陽寺盛京通志載明天順中有道士黃花老人居此修鍊數年倍傳乘鶴仙去寺前有井名曰素井

西套 在城西南三十里又名套裏山網黃花魚船多集於此焉

聖井山 在城西南望海區東距城四十里山中有穴深濶尺有咫其水常沸汲之不竭

達子溝山 在城南白雲區內距城六十里山上有洞曰刺麻

洞相傳洞深百餘里昔有道人曾持燭往探焉山下有池產四足魚惟不可食移之他水即死

火石山 在城西南柏林區內距城五十五里山多石以石相擊輒生火故名冷水河發源於此

東峪山 在城南白雲區內距城六十里分上下二嶺毗連達子溝山上有玉皇廟

綿羊山 在城東忠民忠慎二區之間距城七十餘里山巔有池甚深冬夏不竭往往有魚數寸許為本邑東境諸山之祖畢利河源在焉

雞冠山 在城東南忠敬區內距城一百五十里沙河之發源於此

石城山 在城北青石區內距城十三里又名高麗城山相傳山內有龍潭朔夜見月唐太宗征高麗土人多避兵於此事見盛京通志

赤山 在城東南忠德區內距城九十里山峰有五高插半空上半皆石下半多土絕頂有高麗城遺址山前兩山夾峙勢如懸崖洞豁深險其中有洞最著者凡五曰仙人洞穿心洞背陰洞朝陽洞水簾洞而此洞又有三一則無水一則水深二尺許一則不知水之深淺以石投之但聽洞中餘音若干時此外又有橋二曰小天橋橋高三尺餘大天橋在山半巔僅行人到此者莫不心搖目駭由此旁行可至

西二橋皆傍石磴酷似天梯石棧山前有寺曰龍潭寺寺前有潭故名山中有凱捷碑一相傳唐太宗征高麗得勝取凱旋之義也寺西有石碣約二十餘丈其形如閣故名閣以上有廟三間光緒間有金道士修鍊於此曾以火併閣自焚曰火鍊金身道家荒唐不可為訓也其東有嶺曰十八盤嶺山巔時見雲霧蒸發每日出輒有赤光此山因以名也

布霧山

又名布雲山

在城東南忠德區東境距城百餘里俗又名

為步步山山為邑東南最高之山也俗語云遠看赤山高近看赤山達到步步山腰夏日祈雨登山巔者仰觀青天俯視雲霞降至半山微見雨露及抵山麓則見大水奔騰其山之高可知矣

萬家嶺 在城南瓦房區南境距城一百二十里東接老虎峪浮渡河發源於此

招軍嶺 在城北公明區內距城二十餘里山脉綿延甚長

青石嶺 在城北本區內十里為北門管鑰有青石關在焉

孛羅山 在城西北昌平區東境距城三十餘里

蘭姑嶺 在城東八十里與岫巖分界處

貓兒嶺 在城東南九十里

碭石山 在城東北五十里

白谷山 在城東十里

義爾嶺 在城東南四十里上有甜水出焉

張郎寨山 在城東十五里

松嶋山 在城東南十五里

戴峪嶺 在城南二十餘里

四盤嶺 在城東南四十里

陽關海嶺 在城東南三十餘里

蛤什蟆嶺 在城東南百里與莊河縣分界處

清涼山 在城西南十餘里

王寶山 在城東二十里

黃哨山 在城南熊岳界七十里

方家山 在城東三十里

墳山 在城南四十里

十道口山 在城南十五里

絲拉鋪山 在城南四十里

鳴珂嶺 在城南三十里又名沙岡台

上馬石山 在城西南百餘里

白狼山 在城西十里

鐵場山 在城西南八十餘里

清風山 在城西十五里

石棚山 在城西南八十餘里

大王寨山 在城東五十里

石門嶺	在城東二十餘里
仙家峪	在城東北七十餘里
閻家峪	在城南十餘里
蘇子峪	在城東南八十餘里
趙家峪	在城東南百里
黎兒山	在城東南七十里
螞虹嘴山	在城北二十里
舞鶯歌嶺	在城南六十里
七盤嶺	在城東九十里
長嶺	在城南六十里

滾馬嶺	在城東五十餘里沙河發源於此
三寶山	在城東二十里
紅花峪	在城西北八里
牽馬嶺	在城東二十餘里
白土嶺	在城東北九十餘里與海城縣分界處
八嶺	在城東八里
劉草峪	在城東四十餘里
葦子峪	在城南七十餘里又曰連雲峪
哈達山	在城東北五十餘里清河發源於此
虎鬪馬峪	在城東十餘里

三道嶺 在城東北七十餘里與白土嶺一脈
官馬山 在城東北五十餘里山上有聖水因以為寺淤泥
河發源於此

三塊石 在城西北十里

(乙) 離兩支山脉而孤立者

饅首山 在城南饅首區內距城五十餘里

望兒山 在城南饅首區內距城五十餘里

大石山 在城西南柏林區內距城六十里

牛心山 在城西北牛山區內距城三十餘里

蓮鬮山 在城北岳州區內距城三十里

太平山 在城北太平區內距城三十里

斷流山 在城東南忠悌區內距城六十里又名四角山

迷鎮山 在城北五十五里又名岳州山

河流

蓋平地勢東北高而西南低中間小水濫觴不可枚舉其餘約分
兩派一則自義爾嶺北水皆由東而西入於本境西海一則自義
爾嶺南水皆由北而南入於莊河縣南海茲特摘其最有名而大
者略述如左

(一) 源委全在本境者

清河

又名大清河亦曰清沙河偕云南大河在城南里

許長一百四十里其源有二一出於虎山區之哈達山西流一出於湯池區之二道嶺西南流二源既匯又西流經大小牽馬嶺及大小紅旂堡至煖泉之西左納方家屯河又南流至羅家店復納大小陽關溝河遂繞獐狼寨而西流行十餘里經過城南由蓋平灣挾連雲島而入於西海

南沙河 一名塢頭河在縣治西南望海區距城四十里長七十里其源出於墳山東區之滾馬嶺西流至黃旂堡之東北墳山寺之南有溫泉出焉又西流入後安平榆林等區經范家屯至望海區而入於西海

冷水河 在縣治西南之柏林區內距城五十里長三十里其源出自馬圈子西北數百步外名曰盛水河地屬平原清水由泉眼突出其水甚涼莫敢入者冬不結冰亦云奇矣流經西南入於西海

熊岳河 在縣治南白雲區北境距城六十里長約百一十里其上源出東嶺鄉忠寶區之蘇家峪西北流至鮑家區右納鮑家河折而西流經五道區至白雲區黃哨折而西北流至趙家屯又西流行左有湯眼溫泉出焉至熊岳城南折而西北流至頭台北區楊家屯而入於西海

浮渡河 一曰鉅場河在城西南九十里南州鄉內長約四十里發源於瓦房區之萬家嶺自老虎峪西北流經磧子區內

碯子山南又西流至歸州區內鉛鑛山之北繞仰山子折而北流入於西海

(二)源在本境而委在他境者

畢利河 亦曰畢魯河俗曰畢里河在城東南忠勤忠慎忠德忠孝等區內距城九十里長約一百五十里其源有二一出於忠勤區之猫兒嶺西北流一出於忠慎區之棉羊山西南流二源既合西流至忠孝區之萬福庄南右納義爾嶺四盤嶺前等河折而南流至忠懿區又東南流至忠慶區折而西南流左納上河水右納吊橋水又南至歸服堡東南出境而入於莊縣境至於南海

(三)源在他境而委在本境者

新安河 在縣治南九十五里源出新安鋪南復縣界向西北流入本境之浮渡河

(四)源在他境而委亦在他境者

淤泥河 在城北與營縣分界處距城五十五里其源出於海城縣之聖水西流由公直區流入本境又西流經公和區而西折入營縣界由三公河而入於海

附海岸島嶼

蓋平全境西面瀕海自與營縣分界之海岸迤南經過蓋平灣之連雲島西河即清河入再南則西套鮫魚圈兒島以至熊岳河入海之口岸均屬本縣流域每年竹筏木箱出

入往來漁業甚盛且沿岸鹽灘所在多有山海漁鹽吾邑亦富庶之地歟

道路

本縣為南滿通衢北達遼瀋東至岫巖南通復縣大連西北與營縣達界東南與莊河為鄰雖曰僻在南境而四通八達水陸交通亦衝繁之區也茲查境內道路可分為五大支線如左

一支北行 由縣治北行十里至青石嶺北十里朱家甸子又東北行十里過字羅至字羅即博洛鋪又北十里至茶平庵又北十里過礪石山至橋頭鋪又北十里過淤泥河至大石橋而入海城縣界

一支南行 由縣治南行渡清河十里至二台子又西南行十里至榆林鋪又南十里逾鳴珂嶺至沙岡台又南十里至柳樹底下又南十里至萬興堡又南十里至熊岳城過熊岳河又南十里至頭台子又南十里至二台子又南十里至三台子又南十里逾浮渡河入復縣界

一支東行 由縣治東行十里過八嶺至關店又東十里至團甸又東十里至牽馬嶺逾嶺至清河又東十里至高家屯又東十里至榜式堡又東十里至石門嶺過嶺又東十里至老木廠又東十里至大七盤嶺過嶺又東十里至二道溝又東十里逾蘭姑嶺而入岫巖界

一支東南行 由縣治東行十里至滴塔嘴子又東十里許過羅家哨至曾家店又東南十里過瓦房店至陽關老爺廟又東南十里至四盤嶺逾嶺又東南十里至沙包子店又南十里至土門子街又南十里至楊木林子又南十里至萬福庄過畢利河又南十里至興隆屯又南十里過釣魚台至碑家房嶺過嶺南則入莊河縣界矣

一支西北行 由縣治西行十里至海山寨又西北十里至姚家店又西北十里至藍旂廠又西行十里至塘窪入營縣界附境內鐵路分為二支列後

一支北自大石橋南行過牛山區之牛心山昌平區之蔬糧堆至

太平山站又南過青石區之紅旂廠至海山區之東海山寨為一大站又南行渡清河經過沙岡台站盧家屯站至熊岳城為一大站又南渡熊岳河經駱駝頭台瓦房等區逾浮渡河而入於復縣界

一支北自大石橋南行折入西南出本境而入營縣界

物產

物產一則本縣所有而他縣亦有者皆普通產也千差萬別繁賾紛紜山經爾雅或有不能詳其類者不惟記不勝記且照列記法又易有挂漏之虞况本境有此物產而他境亦有此物產如必一一記之既涉於籠統又鄰於煩瑣非正則也今特用列記兼包括

說法將本縣物產分大宗產及特別產二者按天然動植礦物及製造動植礦物分項說明列後

(甲) 大宗天然產

一動物如蠶繭山羊蚰黃紅白蝦鮫魚鮓魚膾魚銅羅魚等魚為大宗其餘如境內騾馬約八九萬驢牛約七八萬羊豕約各四五十萬鷄鴨五倍之唐書渤海傳云倍所貴者率賓之馬即指本境而言已有明徵可見凡他縣所有之動物本境亦有之不及悉載

二植物如糧食中之黍蜀倍名高粱玉蜀黍倍名包米谷子豆子落花生樹木中之尖柞不落松樹藥材中之蒼朮桔梗升麻地丁赤

白芍又果品中之咸雲卿果木園及東南一帶所出之山楂及梨等為大宗其餘如楊柳桃李車前薏苡等凡他縣所有之植物本境亦有之不及悉載

三礦物如鹹鹽白泥白石青石弗石滑石雲母石等為大宗其餘如他縣所有之礦物本境亦間有之不及悉載

(乙) 特別天然產

一動物如石首魚即黃魚秋生魚精河產為本縣特有者其餘如普通動物概不及載

二植物如松草榛磨天把梨及各種山菜為本縣特有者其餘如普通植物概不及載

三礦物除渤海之鹽其餘並無特別者概不及載

(丙) 大宗製造產

一動物如羊毛氈羊絨氈羊絨帽氈鞋靴鞣暖靴滴蝦蝦油蝦米蝦皮水膠山絲家繭絲煉紬綿紬大二挽手黑綠皮子紅白燻雞蛋糕等其餘非大宗者不載

二植物如棉線家機布洋線布豆油豆餅黑油桐油面醬布鞋香楮木炭毛紙繩子更繩線袋紅糖爆竹糕果各種竹器木器山楂糕山楂乾粉條元酒元酒麩面散烟草其餘非大宗者不載

三礦物如磚瓦黑紅泥盆砂燭砂壺砂缸玻璃火藥碾磨石碾車瓦鐮子石灰金銀首飾洋鐵鉛銅器具其餘非大宗者不載

(丁) 特別製造產

本境工藝不興機器不備近來出有各種礦產且不能自己造作更何有特別製造之可言事事仰給外人良可慨已我邑但有資本家發起振興工藝專務製造以工業戰勝歐瀛記者馨香祝之矣

鹽灘

本邑瀕海煮鹽為出產大宗且西海所出之鹽優美甲於他處合營縣計共鹽灘一千一百餘付控除撥歸營縣外本境可約有五

百付每一灘計每歲可平均出鹽四百石每石六百觔統計每歲可共出鹽二十餘萬石每斗價值現在一元六毛每石價值現值十六元每歲可出總價額共四十餘萬元惟灘有大小歲有豐歉按平均計算每灘可均三百石每年合營界核計可產鹽在四十餘萬石從前官商可運銷二十五萬石近今生齒日繁每年可運銷三十餘萬石吉江兩省可運銷十萬石之譜此鹽灘之大略也

漁業

自來富國者競稱府海者鹽而外厥惟業漁我邑之西全係海岸不惟石首魚為海產大宗即如鮓魚鮓魚膾魚等魚亦為莫大之

利前代不諳漁業棄大利於弗顧近來外人垂涎此事屢起交涉幸我利權未至盡失營口立有漁業總局各埠及我縣均立漁業銷售場茲將各種水族出產及價值總數列表於後以資參考

類	別	價	目	生產數	總價數
黃花魚	立夏前後	百觔價三四元不等	二百萬觔	四萬餘元	
鮓魚	在黃花魚後	一觔價一毛上下	二萬餘觔	二千餘元	
快魚	全上 秋後延至	全上	全上	全上	
銅鱗魚	在黃花魚後	全上	四萬餘觔	四千餘元	
鮓魚	經年常產	一觔價一毛五六分	一萬餘觔	一千五六百元	
鱸子魚	全上	一觔價八九分	八千餘觔	六七百元	

白蝦	初產一元上下	一觔一毛上下	二十餘萬觔	二千餘元
鮮子肉	又名蛤子	一觔一毛五六分	一千餘觔	一百五六十元
墨斗肉		一觔一毛七八分	二百餘觔	二十餘元
大頭保魚		一觔五六分	十萬餘觔	四五千元
胖頭魚		全上	全上	全上
鯉子魚		一觔二毛上下	三四百觔	六七十元
鯽魚	<small>以上各種自春延至冬初始止</small>	全上	全上	全上
比目魚	產自五六	一觔二毛五六分	四五千觔	六千餘元
飛蟹	<small>自黃花魚見即產結凍止</small>	一箇三四分	二三十萬箇	六七百元
螃蟹	全上	一箇一二分	全上	四五百元

蛭蝗類自九月產至

一觔一毛上下

二三十萬觔外販者不在內

二三千元

大海米自五月產至八月止紅綠椒最

一觔八九毛

五、六千觔

四、五千元

說 全年計沿海一帶北至二道溝(即紅旗廠區內)南至鮫魚圈(即董明家屯界)漁業銷售場共征收秤用總數二十餘萬元之譜

山 剪

吾邑東南多山最利養樹放蠶然從前不諳提倡居民多以餘地包括山場而剪子最少近年以獎勵之法催報剪場風氣漸開遂將所有山場漸次和盤托出計原有紅剪不過五千餘把近以原報期滿催促將紅剪浮多及黑剪併荒山三項報至一萬一千三百四十餘把之多統計本縣剪場可有兩萬把之譜倘從此善於

推行俾民間皆於養柞放蠶繅絲織紬四者加意講求逐漸改良則本境之富及實業之興均可立而待也茲將新舊山剪數及每歲出產數均列表如左

附表

類別	把數	出產數	價目
舊有剪場	五千三百餘把	產繭百十	七八百元
新報剪場	六千餘把	產繭七十千	四五百元

明說

此外不無荒山及黑剪浮多未報明者日新月異山剪增多當未可量蓋山場與平地同為生產納稅之源既不可聽其荒廢又不可任其隱藏斯大同之政治也

商務貨產輸出歲額表

類別	額	數	價目	總數
高糧	本境不足用者如下表			
色米	三千五百	石	元	五千二百五十元
豆	八千	石	元	十六萬
雜糧	三萬	石	元	六萬
豆餅	二萬	塊	元	三萬四千
豆油	六萬二千五百	斤	元	一萬二千五百元
落花生	二十萬	斤	元	一萬
山繭	一萬二千	箇	元	十五萬
山絲	四千五百	餘色	元	二百餘萬
山繭	二十萬	斤	元	六萬
山紬	二萬餘	疋	元	十萬
大二挽手	十五萬餘	疋	元	十八萬餘

貨產輸出歲額表

家繭絲	四萬	兩	純	二萬	元
洋線袋	八千	條	純	三千二百	元
山植乾	四千二百五十餘	觔	斗	三百	元
梨乾	五百餘	觔	毛	七十	元
各種藥材	二十一萬二千五百	觔	毛	二萬一千	元
木炭	四十萬	觔	斗	九千	元
石灰	十五萬	觔	斗	壹千五百	元
羊毛	二千	觔	耗	八百	元
羊絨	一千	觔	耗	八百	元
靴	一萬餘	雙	耗	二萬	元
酒	九十三萬八千	壺	耗	一萬五千	元
各種菜蔬	四十萬	觔	耗	二萬	元
各種藥品	四十萬	觔	耗	一萬八千	元
棉花	五百	捆	耗	二千	元
各種皮貨	四千餘	張	耗	八千餘	元
鞋	一萬五千	雙	耗	一萬八千	元

各種紙類	五萬	疋	純	二萬五千	元
猪鬃	二萬	觔	耗	四千	元
猪毛	五萬	觔	耗	二千五百	元
魚蝦類	二百餘萬	觔	耗	五萬餘	元
鹹鹽	十五萬	石	耗	二十二萬五千	元
筆	一萬餘	封	耗	三萬餘	元
黑紅白皮	六十餘	張	耗	三萬餘	元

合計共洋三百三十七萬九千九百二十五元
 商務貨產輸入歲額表 洋貨附

類別	額	數	價目	總數
高粱	十三萬餘	石	卅元	二百零八萬餘元
大尺布	二百五十四	件	卅元	五萬三千三百四十元
花旗布	五百二十六	件	卅元	十五萬七千八百元

貨產輸入歲額表

六十四

蓋平教養工廠石印

打連布	一百九十六件	四萬七千〇四元
坎布	三千六百三十足	四十一百七十四元五毛
色羽	三百十足	七千七百五十五元
漂市布	二千三百〇六足	四萬八千四百二十六元
洋緞類	七百九十足	二萬五千二百八十八元
套布	九百六十二足	一萬六千三百五十四元
中國細緞類	五十足	一千七百五十五元
洋線類	八百四十五件	二十八萬七千三百元
洋面	七萬餘袋	二十八萬七千三百元
綿花	六萬七千七百觔	四萬四千〇五元
元磨木耳	二萬一千觔	一萬二千六百元
茶葉	五千六百九十四觔	三千七百〇一元一毛
洋火	八百七十九箱	八千七百八十元
中國洋火	一百零九箱	一千一百九十九元
粉料	七十箱	二千三百七十元
靛	四十五萬觔	七萬六千五百元

金箔	一百五十五箱	四十六百五十元
水菸	一萬三千八百九十觔	一萬一千一百十二元
海帶	一萬八千九百塊	九萬四千五百元
紅糖	六萬七千四百觔	一萬〇七百八十四元
冰糖	五千五百三十八觔	一千六百六十一元四毛
白糖	八萬〇五百觔	二萬二千五百四十元
域片	十萬塊	一萬
柳片菸	三十萬觔	六萬
白官紙	四十萬	八百六十五元
川連帝	二百四十萬	二千八百八十元
川表帝	九百五十五萬	三千三百四十二元五毛
瓦甲紙	八百十八萬	五千三百七十七元
扛連紙	五百二十萬	四千九百四十元
粉連帝	四十萬	七百九十二元
洋油	一萬四千六百箱	十二萬五千五百六十元
線麻	一萬八千一百九十八觔	一萬〇〇〇八元九毛

貨產輸入歲額表

六十五 蓋平教養工廠印

麵子	一萬五千塊	耗	六千	元
燒酒	八千六百瓶	耗	三萬四千四百元	元
洋烟捲	一百箱	耗	一萬	元
中國烟捲	三十五箱	耗	五千二百五十元	元
鋼鉄銅錫類	十五萬六千八百五十斤	耗	二萬五千二百元	元
竹葦木類		耗	三萬餘元	元
煤炸類	四百五十噸	耗	九千元	元
合計共洋三百六十三萬九千四百九十八元八毛				

跋

吾邑縣志向無成書前清光緒戊申歲故友沈君羹唐筦學務時因燒殘舊志而編鄉土志余不敏承充調查且任鈔胥惟為時僅一月搜羅不富絀漏滋多識者病焉今春邑侯章公下車後即徵求縣志苦無其書適余有舊鈔本一友人代為送閱章公病其謬誤闕略體制不完也爰委崔溪珊夫子及同學郭蔭軒先生詳加編輯閱五越月書告竣為目三十有九約數萬餘言較舊志增加十之八九嗚呼盛已余受而讀之見夫體裁宏富蒐羅精詳取材則左宜右有徵事則上下古今仿山經海國之遺則訓詞典奧採風土職方之志則攷核精賅凡吾邑之疆域形勝古今沿革

華山川道里與夫風俗物產莫不網舉目張瞭如指掌而於政績者舊鄉賢孝子烈婦諸志去取謹嚴無遺無濫一篇之中尤三致意焉蓋吾人生長是鄉苟於是鄉之歷史地理而不知或知焉而不詳不惟來盲昧之譏是直如稱巨室者有田園室廬其臺之多及米穀牛馬金珠服御之豐富而或問其數目之多寡則瞠目腐舌而不能辨尚得為此巨室之主人乎今斯志已成吾知居是鄉者人手一編既周知其鄉之歷史地理而後之攷古者復得以窺其涯涘不歎文獻之無徵其裨益顧不遠且大哉謹跋

後學張秀章文樓跋於辰州寄廬之痴鶴軒

跋

縣志一書史例也所以記事實也國之有史舉凡有關於政治風化者無弗記載綦詳以備一代文獻之徵縣志亦猶斯也然非具才學識三者之長不足以任其事也今崔君溪珊郭君蔭軒編輯縣志書成展開一過見其蒐羅宏富攷據精詳應有盡有訖無遺漏翻愧我輩調查多有未備者至於政績耆舊名宦孝義節烈諸錄據事直書毫無私意於其中抑又難矣夫馬遷作史世或譏為謗書魏收成書人或詆為穢史今兩先生秉筆邑乘其所論列縉紳先生公認之益令人歎其秉心之純正焉豈徒才學識三者有以勝人乎哉於是為之跋

中華民國九年 月

日

後學李先久少堂謹跋

翻印必究

中華民國九年年初版

每部定價小洋壹元

印刷所 蓋平教養工廠

前清優附生金保元彝鄉書

印刷者 石萬磷耀軒

發行所 勸學所

原件收藏

湖北省图书馆

原件书号

地 618

原件状况

原件完好

[民国]盖平县乡土志二卷

章运禧修 崔正峰 郭

春藻纂

民国九年石印本

二册

本部书共摄制 1 卷 卷上—卷下

版权所有 不准复印

本部书完

本片卷含： 卷上—卷下